



جباٽن بليا دان سوکن

JABATAN BELIA DAN SUKAN
KEMENTERIAN KEBUDAYAAN, BELIA DAN SUKAN
NEGARA BRUNEI DARUSSALAM

Laporan Aktiviti Kebeliaan & Kesukanan 2019



**CATATAN AKTIVITI KEBELIAAN DAN KESUKANAN
JABATAN BELIA DAN SUKAN
(JANUARI – MAC 2019)**

JANUARI 2019

1. MAJLIS PEMBUKAAN RASMI MALAM MINGGU PUSAT BELIA

Sabtu, 05 Januari 2019 (Pusat Belia, Bandar Seri Begawan)

▫ Hadir : Yang Berhormat Dato Menteri Kebudayaan, Belia dan Sukan.

▫ Keterangan : Malam Minggu Pusat Belia (MMPB) merupakan projek julung-julung kalinya diadakan Ke arah pembangunan industri kreatif inisiatif Kementerian Kebudayaan, Belia dan Sukan dianjurkan oleh sukarelawan belia dengan kerjasama Jabatan Belia dan Sukan sebagai platform bagi menjungkil bakat belia-belia di perbagai bidang. MMPB diadakan sebulan sekali di malam minggu pertama di sepanjang tahun 2019. Seperti Bandarku Ceria di Bandar Seri Begawan yang diadakan setiap minggu, acara MMPB memaparkan kegiatan-kegiatan keusahawanan, kesenian dan kebudayaan, hiburan dan bakat tempatan lain daripada industri kreatif di tempat yang disediakan iaitu di Dewan Riadah, Dewan Silaturahim, Studio Muzik dan Tarian, Ruang Belia Kitani, Kolam Renang dan juga Ruang Kafe.

Acara tersebut bermatlamat untuk menghidupkan kembali kemeriahan di Pusat Belia, meningkatkan produktiviti pusat berkenaan dengan mengadakan aktiviti-aktiviti proaktif yang dipimpin oleh kalangan para belia sendiri serta memaksimumkan penggunaan kemudahan dan fasiliti yang terdapat di pusat itu sepanjang tahun dengan pelbagai rancangan aktiviti bulanan.

Lebih 500 belia dan orang ramai menghadiri MMPB kali pertama tersebut.



Suasana di Malam Minggu Pusat Belia 2019



Suasana di Malam Minggu Pusat Belia 2019

2. MAJLIS PENYAMPAIAN GANJARAN KEMENANGAN SKIM PENGGALAK KECEMERLANGAN SUKAN

Iasnin, 14 Januari 2019 (Bilik VIP, Tingkat I, Stadium Negara Hassanal Bolkiah)

■ Hadir : Yang Berhormat Dato Menteri Kebudayaan, Belia dan Sukan.

■ Keterangan : Seramai 9 orang atlet, 2 orang jurulatih, seorang penolong jurulatih dan 2 Persatuan Sukan Kebangsaan telah menerima Ganjaran Kemenangan Skim Penggalak Kecemerlangan Sukan (SPKS) bagi atlet-atlet sukan *Para Bowling* dan Boling Padang yang telah berjaya meraih pingat dibeberapa kejohanan sukan antarabangsa, manakala seorang atlet wushu telah diberikan biasiswa untuk melanjutkan pelajaran tinggi di dalam negeri.

Sukan-sukan yang menerima ganjaran kemenangan SPKS adalah sukan *Para Bowling* bagi kejohanan *Micron Singapore World Para Bowling Tour Series 2018* (25 Februari – 2 Mac 2018) berjumlah \$29,725.00; sukan Boling Padang bagi kejohanan *12th Asian Lawn Bowls Championship 2017* (3 – 10 Oktober 2017) berjumlah \$8,400.00; Pemberian Biasiswa Atlet Wushu untuk melanjutkan Pelajaran Tinggi Di Dalam Negeri berjumlah \$2,120.00; dan sukan Boling Padang bagi kejohanan *World Singles Champions of Champions 2016* (14 – 20 November 2016) berjumlah \$13,200.00.



Majlis Penyampaian Ganjaran Kemenangan Skim Penggalak Kecermalangan Sukan

3. JENESYS2018 OUTBOUND PROGRAM (JAPAN'S FRIENDSHIP TIES PROGRAMME) OF JAPANESE UNIVERSITY STUDENTS TO BRUNEI DARUSSALAM FOR JUDO EXCHANGE PROGRAMME

22 - 29 Januari 2019

- Satu rombongan dari Jepun yang diketuai oleh Mr. Yasuharu Mizuno bersama 15 mahasiswa dan atlet daripada Universiti Osaka Kyoiku dan Universiti Setsunan termasuk 3 orang penyelia telah membuat lawatan ke Negara Brunei Darussalam bagi program tersebut. Program lawatan kali kedua ini adalah kelolaan dan tajaan sepenuhnya oleh Kerajaan Jepun melalui Kementerian Hal Ehwal Luar Negeri Jepun di bawah kelolaan JICE dengan tujuan untuk menggalakkan kepercayaan dan persefahaman bersama di kalangan rakyat Jepun dan rantau Asia Pasifik, dan untuk membina asas persahabatan dan kerjasama dimasa hadapan serta untuk menggalakkan pemahaman mengenai ekonomi Jepun, masyarakat, sejarah, kepelbagaian budaya, politik dan hubungan diplomatik. Di antara perisian program lawatan rombongan ini termasuk membuat kunjungan hormat kepada Kementerian Kebudayaan, Belia dan Sukan, Kedutaan Jepun di Negara Brunei Darussalam dan Persekutuan Judo Kebangsaan Negara Brunei Darussalam; membuat *presentations* dan persembahan kepada penuntut-penuntut Negara Brunei Darussalam dalam program pertukaran sekolah; mengikuti *homestay* bersama keluarga angkat selama dua hari satu malam dan diakhiri dengan persembahan laporan dan penyampaian sijil.



Kunjung hormat KKBS



Kunjung hormat MOE



Pertukaran sekolah MSPSBS



Kunjungan hormat Persatuan Judo



Majlis penyerahan Keluarga angkat



Sesi laporan dan majlis perpisahan

4. PROGRAM BELIA SEMBAHYANG FARDHU SUBUH BERJEMAAH DI MASJID BAGI TAHUN 1440H/2019M

Jumaat, 15 Februari 2019 (Masjid Ash-Shaliheen)

- ▣ Hadir : Yang Berhormat Dato Menteri Kebudayaan, Belia dan Sukan.
 - ▣ Turut Hadir : Yang Mulia Dato Seri Setia Awang Haji Abd Aziz bin Orang Kaya Maharaja Lela Haji Yussof, Setiausaha Tetap Kementerian Hal Ehwal Ugama; Yang Mulia Awang Haji Mohd Serudin bin Haji Timbang, Timbalan Setiausaha Tetap Kementerian Hal Ehwal Ugama; Pengarah-Pengarah di bawah Kementerian Kebudayaan, Belia dan Sukan dan Kementerian Hal Ehwal Ugama dan Pemimpin-Pemimpin Persatuan Belia Kebangsaan.
 - ▣ Keterangan : Program Belia Sembahyang Fardhu Subuh Berjemaah Di Masjid ini akan diadakan dua bulan sekali sepanjang tahun 2019 dengan menumpukan di masjid-masjid Daerah Brunei dan Muara. Antara lain tujuan program ini diadakan adalah untuk mendidik diri para belia untuk mengerjakan sembahyang berjemaah di masjid serta memberikan pendedahan kepada para belia dengan mengisi aktiviti yang bermanfaat terutama sekali dalam mengadakan aktiviti-aktiviti keagamaan di masjid-masjid sebagai menyokong Negara Zikir.
- Program dimulakan dengan Sembahyang Fardhu Subuh Berjemaah, diikuti dengan Tazkirah Subuh oleh Yang Mulia Dr. Haji Ahmad @ Ahmad Asri Lubis, Penolong Pensyarah Fakulti Bahasa Arab Universiti Islam Sultan Sharif Ali (UNISSA) dan diteruskan dengan bacaan Surah Al-Kahfi dan Sembahyang Doha.
- ▣ Penyertaan : Lebih 400 peserta belia terdiri daripada Persatuan-Persatuan Belia, belia-belia Masjid Ash-Shaliheen, belia da'ie dan belia muallaf, Alumni Pertukaran Belia dan rekrut Angkatan Bersenjata Diraja Brunei.



Mengerjakan Sembahyang Fardhu Subuh



Tazkirah yang disampaikan oleh Ustaz Dr. Ahmad Asri Lubis





5. PROGRAM BELIA CINTA TANAH AIR KALI KE-14, TAHUN 2019

5(a). PROGRAM DAN AKTIVITI

- ❖ Keterangan: Program Belia Cinta Tanah Air (PBCTA) merupakan anjuran bersama Kementerian Kebudayaan, Belia dan Sukan, Kementerian Hal Ehwal Dalam Negeri, Kementerian Hal Ehwal Ugama, Kementerian Pendidikan dan Persatuan dan Pergerakan Belia Sempena Sambutan Ulangtahun Hari Kebangsaan Negara Brunei Darussalam Kali Ke-35. Objektif utama adalah untuk meningkatkan lagi semangat kenegaraan dan kekitaan belia kepada masyarakat disamping mengadakan aktiviti kenegaraan ke arah meningkatkan lagi semangat patriotik para belia dan dapat menyuntik semangat para belia untuk bergiat aktif dalam mengikuti apa jua aktiviti pembangunan belia seperti kepimpinan, kesukarelawanan, keugamaan dan kesukanan serta menyemarakkan semangat setia kawan, gotong royong dan saling bantu di antara satu sama lain.
- ❖ Aktiviti : PBCTA telah menjalani pelbagai aktiviti seperti *ice breaking* dan *group dinamik*, mendengarkan taklimat Dasar Belia Negara, pembangunan pasukan, ceramah motivasi patriotisme, sembang-sembang sukarelawan oleh *Kumpulan Day of Action*, aktiviti bersama Kelab Komuniti Belia Transformasi (KKBT), aktiviti keagamaan bersama Belia Da'ie Brunei serta pelbagai lagi. Selain itu, aktiviti yang turut disusun bagi memberikan ilmu pengetahuan dan pengalaman bersama masyarakat setempat seperti KNK bersama Majlis Perundingan Kampung Tasek Merimbun, *Sports Day*, Lawatan Kenali Sejarah Brunei dan ke ABDB (Aktiviti Belia Berjuang), dan Aktiviti Memasak (*Soup Kitchen*). Selain itu, PBCTA juga telah menyertai perbarisan lalu sempena Sambutan Ulang Tahun Hari Kebangsaan Negara Brunei Darussalam Ke-35 dan Riadah Berbasikal Semangat Kebangsaan 2019.
- ❖ Penyertaan : Seramai 52 orang belia dari keempat-empat daerah yang berumur diantara 18 hingga 30 tahun telah menyertai program berkennaan.



Sesi Pengenalan & group dinamik



Lawatan ke ABDB



Lawatan ke ABDB



Khatam Al-Quran



Sports day



Lawatan ke Tasek Merimbun



Aktiviti bersama KKBT (memanah)



KNK ke Tasek Merimbun



Lawatan ke Pusat Sejarah Brunei



Peserta PBCTA menyertai perarakan Sambutan Hari Kebangsaan 2019

5(b). MAJLIS PENGHARGAAN

Sabtu, 23 Februari 2019 (Dewan Riadah, Pusat Belia, Bandar Seri Begawan)

- Hadir : Yang Mulia Datin Paduka Dr. Hajah Norlila binti Dato Paduka Haji Abdul Jalil, Setiausaha Tetap Kementerian Kebudayaan, Belia dan Sukan.
- Turut Hadir : Yang Mulia Awang Misle bin Haji Abdul Karim, Pegawai Daerah Brunei dan Muara; Yang Mulia Awang Shamsul Bahrin bin Haji Mohd Hussain, Pegawai Daerah Tutong; dan Pengarah-Pengarah di bawah Kementerian Kebudayaan, Belia dan Sukan.
- Keterangan : Seramai 52 orang belia dari keempat-empat daerah telah menerima sijil penghargaan bagi penyertaan mereka dalam Program Belia Cinta Tanah Air Sempena Sambutan Ulangtahun Hari Kebangsaan Negara Brunei Darussalam Kali Ke-35 Tahun 2019.

Majlis turut memberikan sijil penghargaan kepada Peserta Lelaki Terbaik, Awang Haji Mateen Bolkini bin Haji Ahmad dan Peserta Perempuan Terbaik, Dayang Nurhazwani Aqilah binti Rustam Affendie masing-masing dari Daerah Tutong.



Majlis penghargaan dan penyampaian sijil bagi penyertaan dalam Program Belia Cinta Tanah Air

6. JENESYS2018 INBOUND PROGRAM (CULTURE) JAPAN-ASEAN STUDENTS CONFERENCE

Ismi, 18 Februari 2019 (Lapangan Terbang Antarabangsa Brunei)

■ Hadir : Yang Mulia Dayang Mariam binti Ulat,
Pemangku Timbalan Pengarah Belia dan Sukan.

■ Keterangan : Rombongan belia telah bertolak ke Tokyo , Jepun bagi menyertai JENESYS2018 Inbound Program (Culture) Japan-ASEAN Students Conference yang diadakan pada 19 hingga 26 Februari 2019.

Para peserta telah dibahagikan kepada enam kumpulan mengikut tema yang telah disediakan oleh pihak pengajur iaitu *Agriculture, Energy, Community Designing, Health, Gender* dan *Elderly Employment*. Mereka dan juga peserta dari negara-negara lainnya telah membuat lawatan ke Wilayah Tohoku dan Wilayah Kanto dimana kumpulan-kumpulan tersebut berpeluang untuk mengikuti beberapa aktiviti seperti mendengarkan taklimat mengenai kebudayaan dan kesenian Jepun termasuk tema yang telah ditetapkan, membuat lawatan ke tempat-tempat seperti *Edo-Tokyo Museum, University of Tokyo, Tokyo Rinkai Disaster Prevention Park, Ministry of Health, Labour and Welfare, Gender Equality Bureau Cabinet Office, Rias Ark Museum of Art* dan sebagainya.

■ Penyertaan : Seramai 12 orang perwakilan belia terdiri daripada Ahli-Ahli Persatuan-Persatuan Belia, Alumni Program Khidmat Bakti Negara dan mahasiswa serta mahasiswi dari beberapa Institusi Pengajian Tinggi.



Peserta JENESYS2018 INBOUD PROGRAM (CULTURE) JAPAN-ASEAN STUDENTS CONFERENCE bersama tetamu kehormat

7. RIADAH BERBASIKAL SEMANGAT KEBANGSAAN 2019

Ahad, 24 Februari 2019 (Taman Haji Sir Muda Omar ‘Ali Saifuddien, Bandar Seri Begawan)

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu’izzaddin Waddaulah ibni Al-Marhum Sultan Haji Omar ‘Ali Saifuddien Sa’adul Khairi Waddien, Sultan dan Yang Di-Pertuan Negara Brunei Darussalam telah berkenan berangkat menyertai acara Riadah Berbasikal Semangat Kebangsaan 2019 pada 24 Februari 2019.

Turut berangkat ialah Duli Yang Teramat Mulia Paduka Seri Pengiran Muda ‘Abdul Mateen, Duli Yang Teramat Mulia Paduka Seri Pengiran Muda ‘Abdul Wakeel dan Yang Teramat Mulia Paduka Seri Pengiran Anak Puteri Ameerah Wardatul Bolkiah.

Turut hadir ialah Menteri-Menteri Kabinet, Timbalan-Timbalan Menteri, Setiausaha-Setiausaha Tetap, Duta-Duta, Pesuruhjaya-Pesuruhjaya Tinggi, dan Pegawai serta Kakitangan Kerajaan.

■ Keterangan: Riadah Berbasikal Semangat Kebangsaan 2019 merupakan anjuran bersama Kementerian Kebudayaan, Belia dan Sukan, Kementerian Hal Ehwal Dalam Negeri, Kementerian Hal Ehwal Ugama, Kementerian Sumber-Sumber Utama dan Pelancongan, Kementerian Pertahanan, Kementerian Kesihatan, Kementerian Pendidikan, Kementerian Pengangkutan dan Infokomunikasi serta penglibatan semua kementerian-kementerian yang lain serta Persekutuan Basikal Brunei Darussalam Sempena Sambutan Ulang Tahun Hari Kebangsaan Negara Brunei Darussalam Ke-35 Tahun 2019.

Acara riadah berbasikal telah mengelilingi Bandar Seri Begawan sejauh 11.50 kilometer dan melintasi jalan-jalan utama antaranya Jalan Pretty, Jalan Elizabeth 2, Jalan Masjid Omar ‘Ali Saifuddien, Jalan Kianggeh, Jalan Sekolah, Jalan Kumbang Pasang, Jalan Gadong, Jalan Perdana Menteri, Jalan Raja Isteri Pengiran Anak Saleha dan berakhir di Taman Haji Sir Muda Omar ‘Ali Saifuddien.

Kebawah Duli Yang Maha Mulia serta kerabat diraja kemudian berkenan menyaksikan perbarisan lalu daripada seramai 35 orang pekayuh basikal dari 13 buah kementerian dan Persekutuan Basikal Brunei Darussalam yang berjaya mengelilingi 35 kilometer dan juga peserta berbasikal yang terdiri daripada belia-belia, kanak-kanak dan masyarakat dari pelbagai peringkat umur.

Baginda dan kerabat diraja turut menyaksikan secara lebih dekat lagi kemeriahinan Bandarku Ceria di dalam Taman Haji Sir Muda Omar ‘Ali Saifuddien dengan berbagai jenis aktiviti dan pameran yang disediakan daripada 13 buah kementerian dan 10 dari agensi-agensi lain seperti Persatuan-Persatuan Sukan Kebangsaan, Program Khidmat Bakti Negara dan juga agensi-agensi swasta seperti Program Pencegahan Jenayah; Polo Berbasikal; Permainan Celik Kewangan; jualan produk yang dihasilkan oleh penghuni-penghuni Jabatan Penjara; Program Olahraga Kanak-Kanak; Permainan Bocce; Pameran Interaktif *Mega Heart*; Peraduan Membaca Jawi dan Menulis Jawi; Demonstrasi Tayammum dan Wudhu yang betul; Klinik Berbasikal; Aktiviti Tenaga Lestari; Latihan Kecergasan, Silat, Perlawanan Kikik, *paintball*, *petanque*, memanah dan sebagainya.

■ Penyertaan: Lebih daripada seribu orang pekayuh basikal yang terdiri daripada orang ramai telah menyertai acara berbasikal tersebut dan keramaian orang ramai menyaksikan serta mengikuti aktiviti-aktiviti di Taman Haji Sir Muda Omar ‘Ali Saifuddien telah memeriahkan lagi riadah pada hari tersebut.



Pelepasan 35 pekayuh basikal mengelilingi 35 km



Suasana Riadah Berbasikal Semangat Kebangsaan 2019



Suasana Riadah Berbasikal Semangat Kebangsaan 2019



Suasana dan aktiviti di Bandarku Ceria

8. JENESYS2018 INBOUND PROGRAM (CULTURE) JAPANESE LANGUAGE COMMUNICATION AND JAPANESE CULTURE EXCHANGE

Ismi, 04 Mac 2019 (Lapangan Terbang Antarabangsa Brunei)

- Hadir : Yang Mulia Haji Zafri bin Haji Mohamed, Pemangku Pengarah Belia dan Sukan.
- Turut Hadir : Mr. Hiroki Akasaka, Setiausaha Kedua selaku wakil daripada Kedutaan Jepun di Negara Brunei Darussalam.
- Keterangan : Rombongan belia telah bertolak ke Tokyo, Jepun bagi menyertai JENESYS2018 Inbound Program (Culture) Japanese Language Communication and Japanese Culture Exchange yang diadakan selama lapan hari mulai 05 hingga 12 Mac 2019.

Program tersebut antara lain bertujuan untuk mempromosikan persefahaman dikalangan rakyat dan penduduk Jepun dan rantau Asia-Pasifik serta membina asas persahabatan dan kerjasama untuk masa hadapan. Program tersebut juga dapat menggalakkan pemahaman mengenai kepentingan sosial, ekonomi dan budaya dalam ASEAN dan Jepun disamping dapat membincangkan unsur-unsur keamanan dan kemakmuran dari sudut pandangan sejarah dan pengajaran yang dapat dipelajari daripadanya.
- Penyertaan : Seramai 23 orang perwakilan belia terdiri daripada Ahli-Ahli Persatuan-Persatuan Belia Kebangsaan, para pelajar dan mahasiswa serta mahasiswi dari beberapa Institusi Pengajian Tinggi.



*Peserta JENESYS2018 INBOUND PROGRAM (CULTURE) JAPANESE LANGUAGE COMMUNICATION AND JAPANESE CULTURE EXCHANGE
bergambar ramai bersama tetamu kehormat*

9. MAJLIS KHATAM AL-QUR'AN 35 KALI SEMPENA SAMBUTAN ULANG TAHUN HARI KEBANGSAAN NEGARA BRUNEI DARUSSALAM KE-35 TAHUN 2019
Sabtu, 09 Mac 2019

9(a). Daerah Brunei dan Muara

- ❖ Tetamu Kehormat : Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan.
- ❖ Turut Hadir : Yang Mulia Datin Paduka Dr. Hajah Norlila binti Dato Paduka Haji Abdul Jalil, Setiausaha Tetap Kementerian Kebudayaan, Belia dan Sukan; Yang Mulia Dr. Haji Adanan bin Haji Basar, Raes Kolej Universiti Perguruan Ugama Seri Begawan; Yang Mulia Dr. Haji Norarfan bin Haji Zainal, Rektor Universiti Islam Sultan Sharif Ali (UNISSA) dan pegawai dan kakitangan kerajaan.
- ❖ Tempat : Masjid Setia Ali, Pekan Muara.
- ❖ Penyertaan : Seramai 1000 peserta lelaki dan perempuan terdiri daripada Ahli-Ahli Persatuan Belia dan Sukan, Pelatih Program Khidmat Bakti Negara, Pelatih Pusat Pembangunan Belia, Peserta Program Belia Cinta Tanah Air, Sukarelawan-Sukarelawan, Belia-Belia Masjid, Qari dan Qariah Musabaqah Tilawatil Quran Belia Kebangsaan, Mahasiswa Mahasiswi Institusi Pengajian Tinggi, Penuntut-Penuntut daripada Institusi Pendidikan Teknik Brunei, Sekolah Menengah dan Sekolah Ugama, Agensi-Agenzi Kerajaan dan Swasta serta belia-belia perseorangan.
- ❖ Program : Aturcara dimulakan dengan bacaan Surah Al-Fatiyah yang dikepalai oleh tetamu kehormat, diikuti dengan bacaan Surah Ad-Dhuha hingga Surah Al-Massad yang diketuai oleh penuntut Institut Tahfiz Al-Quran Sultan Haji Hassanal Bolkiah dan diteruskan dengan bacaan Takhtim Al-Qur'an yang diketuai oleh mahasiswa Universiti Islam Sultan Sharif Ali. Doa Khatam pula telah dibacakan oleh Yang Mulia Awang Muhammad Sa'dun bin Suhaili, Johan Musabaqah Tilawatil Qur'an Belia Kebangsaan 2018. Manakala Dikir Marhaban telah diketuai oleh pelatih Program Khidmat Bakti Negara (PKBN). Majlis diakhiri dengan Doa Allah Peliharakan Sultan dan Selamatkan Negara Brunei Darussalam yang dibacakan oleh Yang Mulia Awang Nasehin bin Yahya, Pegawai Hal Ehwal Masjid, Masjid Setia Ali, Pekan Muara.



Suasana Majlis Khatam Al-Quran 35 Kali Sempena Sambutan Ulang Tahun Hari Kebangsaan Negara Brunei Darussalam Ke-35 Tahun 2019



Suasana Majlis Khatam Al-Quran 35 Kali Sempena Sambutan Ulang Tahun Hari Kebangsaan Negara Brunei Darussalam Ke-35 Tahun 2019

9(b). Daerah Belait

- ❖ Tetamu Kehormat : Yang Mulia Ar. Awang Haji Marzuke bin Haji Mohsin, Timbalan Menteri Pembangunan.
- ❖ Tempat : Masjid Pekan Seria.
- ❖ Penyertaan : Seramai 300 peserta terdiri daripada Ahli-Ahli Persatuan Belia, Ahli-Ahli Takmir Masjid, Penuntut-Penuntut Sekolah Menengah serta Pegawai dan Kakitangan Kerajaan Daerah Belait.



9(c). Daerah Tutong

- ❖ Tetamu Kehormat : Yang Mulia Dato Seri Paduka Awang Ahmaddin bin Haji Abdul Rahman, Timbalan Menteri Kewangan.
- ❖ Tempat : Masjid Pengiran Pengiran Muda Abdul Wakeel, Kampong Kiudang, Tutong.
- ❖ Penyertaan : Seramai 300 peserta terdiri daripada Ahli-Ahli Persatuan Belia; Agensi-Agenzia Kerajaan; Penuntut-Penuntut Sekolah Menengah; Sukarelawan dan Belia Takmir Masjid.



9(d). Daerah Temburong

- ❖ Tetamu Kehormat : Yang Mulia Laksamana Pertama Pengiran Dato Seri Pahlawan Norazmi bin Pengiran Haji Muhammad,
Pemangku Pemerintah Angkatan Bersenjata Diraja Brunei.
- ❖ Tempat : Masjid Utama Mohammad Salleh, Pekan Bangar, Temburong.
- ❖ Penyertaan : Seramai 350 peserta terdiri daripada Ahli-Ahli Persatuan Belia, Peserta Program Khidmat Bakti Negara, Badan Kebajikan Guru-Guru Ugama, Belia Masjid, Penuntut-Penuntut Sekolah Arab Temburong dan Sekolah Menengah Sultan Hassan Bangar, Temburong.



10. JENESYS2018 ASEAN INBOUND PROGRAM 26TH BATCH ASEAN+TIMOR-LESTE YOUTH LEADER EXCHANGE

Iasnin, 18 Mac 2019 (Lapangan Terbang Antarabangsa Brunei)

■ Hadir : Yang Mulia Hajah Noor Maslina binti Haji Sulaiman,
Ketua Pegawai Belia dan Sukan.

■ Keterangan : Rombongan belia telah bertolak ke Tokyo, Jepun bagi menyertai JENESYS2018 ASEAN Inbound Program 26th Batch ASEAN+Timor-Leste Youth Leader Exchange yang diadakan pada 19 hingga 26 Mac 2019.

Para peserta telah dibahagikan kepada empat kumpulan mengikut tema yang telah disediakan oleh pihak JICE iaitu *Food Tourism, Disaster Prevention, History and Environment of Manufacturing* dan *Historical Heritage*. Mereka dan peserta dari negara-negara lainnya telah membuat lawatan mengikut kumpulan ke Hokkaido, Tohoku (Miyagi), Chubu (Aichi) dan Kansai (Okayama) dan berpeluang untuk mengikuti beberapa aktiviti seperti membuat orientasi dan mendengarkan kuliah mengikut tema yang telah ditetapkan, membuat lawatan ke tempat-tempat seperti *New Chitose Airport Terminal Building, Hokkaido University Graduate School of International Media, Communication and Tourism Studies, Nijo Fish Market, Tokyo Rinkai Disaster Prevention Park, Reconstruction Town Development/Exchange Information Center, National Museum of Emerging Science and Innovation, Toyota Commemorative Museum of Industry and Technology, Mizkan Museum, Kurashiki Bikan Historical Quarter, homestay bersama keluarga angkat dan sebagainya.*

■ Penyertaan : Seramai 10 orang perwakilan belia terdiri daripada Ahli-Ahli Persatuan-Persatuan Belia Kebangsaan dan mahasiswa serta mahasiswi dari beberapa Institusi Pengajian Tinggi.



*Peserta JENESYS2018 ASEAN INBOUND PROGRAM 26TH BATCH ASEAN+TIMOR-LESTE YOUTH LEADER EXCHANGE
bergambar ramai bersama tetamu kehormat*

11. LARIAN HARI KEBANGSAAN 2019

Ahad, 24 Mac 2019

 Keterangan: Kementerian Kebudayaan, Belia dan Sukan dengan kerjasama Persekutuan Olahraga Brunei Darussalam telah menganjurkan Larian Hari Kebangsaan 2019 serentak di Daerah Brunei dan Muara dan Daerah Temburong yang pada utamanya untuk memeriahkan Sambutan Ulang Tahun Hari Kebangsaan Negara Brunei Darussalam Ke-35 Tahun 2019.

Daerah Brunei dan Muara

- Tetamu Kehormat : Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan.
- Turut Hadir : Duta-Duta, Perwakilan Negara Asing dan Ketua-Ketua Jabatan.
- Tempat : Taman Haji Sir Muda Omar 'Ali Saifuddien.
- Penyertaan : Lebih 1724 orang yang berdaftar dan penyertaan orang ramai.
- Aturcara : Aturcara dimulakan dengan sesi senaman pemanasan badan dan diikuti dengan pelepasan acara Larian Hari Kebangsaan mengikut kategori yang disediakan iaitu Kategori Terbuka Wanita, Veteran Wanita dan Remaja Perempuan 16 Tahun Kebawah sejauh 10 kilometer, diikuti Kategori Terbuka Lelaki, Veteran Lelaki dan Remaja Lelaki 16 Tahun Kebawah sejauh 10 kilometer dan akhir sekali Kategori *Fun Run* sejauh 4 kilometer.

Senarai Pemenang	Kedudukan	Kategori Veteran Lelaki	Kategori Veteran Wanita	Kategori Terbuka Lelaki	Kategori Terbuka Wanita	Kategori Remaja Lelaki	Kategori Remaja Perempuan
	1	Sefli Ahar	Airence Lim	Younes Ammouta	Yvette Jan Kortekaas	Md Safwan Syazwan bin Hj Md Robey	Dk Nurul Aina Syafiqah binti Pg Hj Zainal
	2	Hj Jupli bin Hj Pangis	Cecelia Maksimum	Mohammad Samsul bin Zamri	Kathryn Develein	Md Danish bin Othman	-
	3	Shahminan bin Haji Mohd Salleh	Sufinah binti Hj Adris	Md Haziq Syazwan bin Hermanti	Siti Fatimah binti Mohammad	Md Hakimie bin Md Helme	-
	4	Chung Kwei Ming	Siti Fatimah binti Hj Abu Bakar	Abd Malik bin Awang Hidup	Shazana Nabillah binti Haji Ayob	Md Basyir Darwisy bin Abu Hanifah	-
	5	Othman bin Mustapha	Husna binti Abdullah	Mohd Nor Isman bin Ismail	Nur Amal Nadhirah binti Abdul Rahim	Muhd Nurirfan bin Muhd A'arafah	-



Suasana Larian Hari Kebangsaan 2019 di Bandar Seri Begawan





Suasana Larian Hari Kebangsaan 2019 di Bandar Seri Begawan





Suasana Larian Hari Kebangsaan 2019 di Bandar Seri Begawan

**CATATAN AKTIVITI KEBELIAAN DAN KESUKANAN
JABATAN BELIA DAN SUKAN
(APRIL – DISEMBER 2019)**

APRIL 2019

1. MAJLIS PEMBUKAAN SEMULA ASRAMA PUSAT BELIA

Sabtu, 13 April 2019 (Pusat Belia, Bandar Seri Begawan)

- ❖ Hadir : Yang Mulia Datin Paduka Dr. Hajah Norlila binti Dato Paduka Haji Abdul Jalil, Setiausaha Tetap Kementerian Kebudayaan, Belia dan Sukan selaku Wakil Peribadi Yang Berhormat Dato Menteri Kebudayaan, Belia dan Sukan.
- ❖ Keterangan : Asrama Pusat Belia telah dibuka semua selepas dinaik taraf dan projek tersebut mengambil masa 5 bulan untuk disiapkan bermula 11 Oktober 2018 hingga 5 Mac 2019 untuk dibuka semula. Kali pertama asrama tersebut diubah suai adalah pada tahun 2007.

Sebanyak 13 buah bilik asrama lelaki dengan muatan 44 buah katil dan sebuah bilik keluarga, 3 buah bilik asrama perempuan dengan muatan 20 buah katil dengan jumlah kesemuanya 16 buah bilik dengan pengisian 64 buah katil dan sebuah katil keluarga. Setiap penyewa hanya akan dikenakan bayaran BND\$15.00 seorang dan untuk bilik keluarga dikenakan BND\$20.00 sahaja.

Penaitarafan Asrama Pusat Belia secara amnya adalah bertujuan untuk menyediakan prasarana-prasarana untuk para belia diluar sana baik yang bergerak secara berpersatuhan, kumpulan atau individu. Disamping itu, Asrama Pusat Belia juga seiring perubahan zaman telah melalukan evolusi dalam sama-sama mengembang majukan Pusat Belia, Bandar Seri Begawan.



2. SUKAN ARAFURA, DARWIN, AUSTRALIA 2019

2(a). MAJLIS PENYERAHAN BENDERA NEGARA KEPADA KONTINJEN NEGARA BRUNEI DARUSSALAM

Sabtu, 20 April 2019 (Bilik Hijau, Stadium Negara Hassanal Bolkiah, Berakas)

Yang Teramat Mulia Paduka Seri Pengiran Anak Puteri Fadzilah Lubabul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izaddin Waddaulah berkenan berangkat selaku atlet Bola Jaring Kebangsaan Negara Brunei Darussalam.

❖ Keterangan : Negara Brunei Darussalam telah menghantar kontinjen bagi menyertai Sukan Arafura yang diadakan di Darwin, Australia bermula pada 26 April hingga 4 Mei 2019. Kontinjen negara telah menyertai sebanyak 3 acara sukan iaitu Bola Jaring, Renang dan Olahraga bagi atlet para.

❖ Aturcara : Majlis dimulakan dengan ucapan alu-aluan oleh Yang Mulia Dayang Mariam binti Ulat, Pemangku Timbalan Pengarah Belia dan Sukan selaku Pengerusi Majlis dan ucapan daripada Menteri Kebudayaan, Belia dan Sukan. Majlis diteruskan dengan penyerahan bendera Negara Brunei Darussalam kepada Yang Mulia Awang Haji Zafri bin Haji Mohamed, Pemangku Pengarah Belia dan Sukan selaku *Chef de Mission* Kontinjen Negara Brunei Darussalam ke Sukan Arafura, Darwin, Australia 2019. Majlis diakhiri dengan sesi bergambar ramai.

❖ Penyertaan : Kontinjen dianggotai seramai 23 orang terdiri daripada 14 atlet termasuk 2 atlet para dan 9 orang pegawai termasuk Chef de Mission, Pegawai Urusetia, Pegawai Pehubungan, Pengurus Pasukan, Jurulatih dan Kakitangan Perubatan.



2(b). UPACARA SELAMAT BELAYAR BAGI KONTINJEN NEGARA BRUNEI DARUSSALAM

Selasa, 23 April 2019 (Lapangan Terbang Antarabangsa Brunei)

■ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.

■ Keterangan : Kontinjen negara dianggotai seramai 9 orang terdiri daripada 4 orang atlet dan 5 orang pegawai termasuk *Chef de Mission*, Pegawai Perhubungan, Jurulatih dan Kakitangan Perubatan telah berlepas ke Darwin, Australia bagi menyertai kejohanan Sukan Arafura tersebut.

Sukan Arafura merupakan kejohanan beraneka sukan antarabangsa atau *international multi-sports event* yang dianjurkan oleh Kerajaan Wilayah Australia Utara yang diadakan secara dwi tahunan dan telah melalui perkembangan dari segi *quality* dan *quantity* penganguran pertama pada tahun 1991. Edisi kali ini disertai lebih 1,500 atlet dari lebih 40 negara dan mempertandingkan sebanyak 17 acara sukan.

Negara Brunei Darussalam telah menyertai Sukan Arafura sebanyak sepuluh kali termasuk penyertaan atlet para sebanyak lima kali.



2(c). UPACARA SELAMAT BELAYAR BAGI PASUKAN BOLA JARING

Khamis, 25 April 2019 (Lapangan Terbang Antarabangsa Brunei)

■ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.

■ Keterangan : Pasukan Bola Jaring negara diberisi seramai 13 orang pegawai dan atlet serta seorang pegawai urusetia Kontinjen Negara Brunei Darussalam telah berlepas ke Darwin, Australia bagi menyertai kejohanan Sukan Arafura edisi 2019.



2(d). MAJLIS MENYAMBUT KEPULANGAN PEGAWAI DAN ATLET SUKAN OLAHRAGA DAN RENANG

Rabu, 1 Mei 2019 (Lapangan Terbang Antarabangsa Brunei)

■ Hadir : Yang Berhormat Dato Menteri Kebudayaan, Belia dan Sukan.

■ Keterangan : Hirdan bin Haji Abd Kadir, atlet para bagi Sukan Olahraga telah berjaya mengutip 1 pingat emas, 1 pingat perak dan 1 pingat gangsa melalui acara *Men Open Javelin Seated Wheel Chair*, *Men Open Discus Seated Wheel Chair* dan *Men Open Shot Put Seated Wheel Chair*. Manakala Dayang Nor Hensan binti Haji Mataha, juga atlet para bagi Sukan Olahraga berjaya merangkul 1 pingat gangsa bagi acara *Women Open Discus Ambulatory*. Sementara atlet Sukan Renang, Christian Nazario Anak Nikles berjaya memenangi 1 pingat emas menerusi acara *Men 17 & Over 50M Butterfly* dan Nur Haziq bin Samil telah memenangi 1 pingat gangsa bagi acara *Men 17 & Over 200M Backstroke*.



2(e). MAJLIS MENYAMBUT KEPULANGAN KONTINJEN NEGARA BRUNEI DARUSSALAM BERSAMA PASUKAN BOLA JARING

Ahad, 5 Mei 2019 (Lapangan Terbang Antarabangsa Brunei)

❖ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.

❖ Keterangan : Pasukan Bola Jaring Negara Brunei Darussalam telah menduduki tempat ke-4 selepas tewas kepada Pasukan Pints NT dengan jaringan 36 – 54 dalam peringkat penentuan tempat ketiga semasa perlawanan diadakan di Netball Stadium, Darwin, Australia.

Jumlah kutipan pingat yang berjaya diraih oleh Kontinjen Negara Brunei Darussalam ialah 2 pingat emas, 1 pingat perak dan 3 pingat gangsa melalui acara Olahraga dan Renang.

3. MUSABAQAH TILAWATIL QURAN BELIA KEBANGSAAN 1440H/2019M PERINGKAT AKHIR

Khamis, 25 April 2019 (Dewan Digadong, Bangunan Kementerian Kebudayaan, Belia dan Sukan)

❖ Hadir : Yang Berhormat Dato Menteri Kebudayaan, Belia dan Sukan.

❖ Keterangan : Seramai 105 orang belia iaitu 76 orang lelaki dan 29 orang perempuan telah menyertai musabaqah pada tahun ini. Manakala seramai 10 orang peserta iaitu 5 orang peserta qari dan 5 orang peserta qariah telah memperdengangkan bacaan masing-masing di peringkat akhir.

Awang Abdull Muin bin Haji Abdul Hamid dan Dayangku Siti Ummi Syazana binti Pengiran Marjuki masing-masing muncul johan qari dan johan qariah Musabaqah Tilawatil Quran Belia Kebangsaan 1440H/2019M Peringkat Akhir dengan membawa pulang piala pusingan, piala iringan, wang tunai BND2,000.00 dan sijil penyertaan.

Sementara naib johan qari dan qariah masing-masing dijuarai oleh Awang Muhammad Sa'dun bin Suhaili dan Dayangku Fauziah Nadhirah binti Pengiran Haji Jofri dengan menerima hadiah piala iringan, wang tunai BND1,500.00 dan sijil penyertaan.

Di tempat ketiga qari dan qariah pula jatuh kepada Awang Abdul Qawiyeel Azeez bin Haji Abd. Rajid dan Dayangku Alma Hazirah binti Pengiran Haji Jofri yang masing-masing membawa pulang piala iringan, wang tunai BND1,000.00 dan sijil penyertaan.

Manakala peserta qari dan qariah yang menerima hadiah saguhati masing-masing menerima piala iringan, wang tunai BND500.00 dan sijil penyertaan.





-j

**4. PROGRAM WIRA FAJAR SEMBAHYANG FARDHU SUBUH BERJEMAAH DI MASJID BAGI TAHUN 1440H/2019M
SEMPENA MASJID KU MAKMUR NEGARA BERKAT**

Ahad, 28 April 2019 (Masjid Omar Ali Saifuddien)

- Hadir : Yang Berhormat Dato Menteri Kebudayaan, Belia dan Sukan.
- Keterangan : Program Wira Fajar Sembahyang Fardhu Subuh Berjemaah Di Masjid merupakan anjuran Kementerian Kebudayaan, Belia dan Sukan dengan kerjasama Jabatan Hal Ehwal Masjid, Kementerian Hal Ehwal Ugama dan Belia-Belia Masjid.

Program tersebut diadakan dua bulan sekali sepanjang tahun 2019 dengan menumpukan di masjid-masjid Daerah Brunei dan Muara. Antara lain tujuan program ini diadakan adalah untuk mendidik diri para belia untuk mengerjakan sembahyang berjemaah di masjid serta memberikan pendedahan kepada para belia dengan mengisi aktiviti yang bermanfaat terutama sekali dalam mengadakan aktiviti-aktiviti keagamaan di masjid-masjid sebagai menyokong Negara Zikir.

- Aturcara : Program dimulakan dengan Sembahyang Fardhu Subuh Berjemaah, diikuti dengan bacaan Surah Al-Kahfi dan Surah Al-Waqiah dan Tazkirah Subuh bertajuk "Istiqamah Dalam Mengerjakan Sembahyang" oleh Yang Mulia Ustaz Haji Muskrisman Safari bin Haji Mustafa, Pegawai Perkembangan Ugama dari Pusat Da'wah Islamiah, Kementerian Hal Ehwal Ugama dan diselajurkan dengan Sembahyang Sunat Dhuha.
- Penyertaan : Seramai lebih 350 peserta belia terdiri daripada pegawai-pegawai kerajaan; Persatuan-Persatuan Belia; Pelatih Pusat Pembangunan Belia; Kelab Komuniti Belia Transformasi; Alumni Program Belia Cinta Tanah Air; Alumni JENESYS; belia-belia masjid; belia da'ie; belia mualaf; belia-belia perseorangan serta orang ramai.



5. PROGRAM AHLAN YA RAMADHAN TAHUN 1440H/2019M

Iasnin, 29 April 2019 (Masjid Rancangan Perumahan Negara Kampung Pandan, Kuala Belait)

-  Hadir : Yang Berhomat Awang Haji Abdul Hamid bin Haji Mumin,
Ahli Majlis Mesyuarat Negara selaku Penghulu Mukim Liang.
-  Keterangan : Program Ahlan Ya Ramadhan merupakan salah satu program anjuran Kementerian Kebudayaan, Belia dan Sukan khusus untuk para belia-belia dengan harapan untuk memberikan ilmu pengetahuan dan penjelasan berkaitan persediaan menjalani ibadah di bulan Ramadhan. Program bertujuan untuk menyemarakkan lagi ketibaan bulan Ramadhan dalam kalangan generasi belia dengan aktiviti ilmiah dan kerohanian disamping melengkapkan para belia dengan ilmu pengetahuan mengenai tatacara dan adab di dalam menunaikan ibadah puasa di bulan Ramadhan dengan sempurna. Program ini adalah pembuka kepada projek-projek agama kebeliaan di bulan Ramadhan seperti Program Bertahlil di Tanah Perkuburan Orang-Orang Islam di Daerah-Daerah, Program Kembara Amal Ramadhan KKBS, Majlis Bertahlil Di Kubah Makam Diraja, Majlis Perhimpunan Bertadarus Al-Quran Belia Senegara, Majlis Pertemuan Belia dan Kepimpinan Belia Bulan Ramadhan dan Program Jalinan Kasih Belia.
-  Keramaian : Lebih 200 orang belia terdiri daripada ahli-ahli persatuan belia; Program Belia Cinta Tanah Air; penuntut-penuntut sekolah; mahasiswa dan mahasiswi institusi-institusi pengajian tinggi; Alumni Program Pertukaran Belia Antarabangsa dan orang ramai.

6. PROGRAM KEMBARA AMAL RAMADHAN KEMENTERIAN KEBUDAYAAN, BELIA DAN SUKAN

Isnin, 13 Mei 2019

■ Daerah Tutong

Tetamu Kehormat : Yang Berhormat Haji Umarali bin Esung,
Ahli Majlis Mesyuarat Negara.

Tempat : Masjid Pengiran Anak Isteri Pengiran Anak Sarah, Kampong Sungai Kelugos.

Keramaian : Lebih 200 orang belia terlibat terdiri daripada Persatuan-Persatuan Belia Daerah Tutong; Ahli Jawatankuasa Takmir Masjid; agensi-agensi kerajaan dan swasta; belia-belia masjid; sukarelawan-sukarelawan belia; penuntut-penuntut sekolah menengah; dan penduduk-penduduk Kampong Sungai Kelugos.



 **Daerah Belait**

- Tetamu Kehormat : Yang Berhormat Awang Hanapi bin Mohd Siput,
Ahli Majlis Mesyuarat Negara.
- Tempat : Masjid Mohammad Jamalul Alam, Seria.
- Keramaian : Lebih 200 orang belia terlibat terdiri daripada Persatuan-Persatuan Belia dan Badan Kebajikan Daerah Belait; Ahli Jawatankuasa Takmir Masjid; agensi-agensi kerajaan dan swasta; penuntut-penuntut sekolah menengah; dan belia-belia perseorangan.


 **Daerah Temburong**

- Tetamu Kehormat : Yang Berhormat Dato Menteri Kebudayaan, Belia dan Sukan.
- Tempat : Masjid Rancangan Perumahan Negara Kampong Rataie.
- Keramaian : Lebih 200 orang belia terlibat terdiri daripada Persatuan-Persatuan Belia Daerah Temburong; Ahli Jawatankuasa Takmir Masjid; Kumpulan Belia-Belia Masjid dan Muslimah-Muslimah Masjid; Badan Kebajikan Guru-Guru Agama; agensi-agensi kerajaan dan swasta; penuntut-penuntut Sekolah Menengah Sultan Hassan Bangar dan penduduk-penduduk Kampong Rataie.

7. MAJLIS PERHIMPUNAN BERTADARUS AL-QURAN BELIA SENGARA 1440H/2019M

Selasa, 21 Mei 2019 (Jame' 'Asr Hassanal Bolkiah dan Masjid Omar 'Ali Saifuddien)

- ▣ Berangkat : Duli Yang Teramat Mulia Paduka Seri Pengiran Muda 'Abdul Malik ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah.
- ▣ Hadir : Yang Mulia Datin Seri Paduka Dr. Hajah Romaizah binti Haji Mohd Salleh, Pemangku Menteri Pendidikan.
- ▣ Keterangan : Majlis Perhimpunan ini merupakan kali kelapan diadakan bersempena dengan bulan Ramadhan yang Mubarak. Majlis telah diadakan di dua tempat iaitu Jame' 'Asr Hassanal Bolkiah bagi peserta lelaki dan Masjid Omar 'Ali Saifuddien bagi peserta perempuan.
- ▣ Keramaian : Lebih 2000 belia dan 1000 beliawanis dari agensi-agensi kerajaan dan swasta; Persatuan-Persatuan Belia; penuntut-penuntut sekolah; bekas peserta program-program belia dan orang-orang perseorangan.







8. MAJLIS PERTEMUAN BELIA DAN KEPIMPINAN BELIA BULAN RAMADHAN 1440H/2019M

Iasnin, 3 Jun 2019 (Masjid Kampong Lumapas)

- Hadir : Yang Mulia Kolonel (B) Pengiran Haji Maiddin bin Pengiran Haji Said, Timbalan Setiausaha Tetap (Kebeliaan dan Kesukanan) Kementerian Kebudayaan, Belia dan Sukan.
- Keterangan : Majlis Pertemuan Belia dan Kepimpinan Belia Bulan Ramadhan merupakan salah satu inisiatif Kementerian Kebudayaan, Belia dan Sukan dalam menyatakan padukan para belia dan kepimpinan belia selaras dengan misi ‘Mencanai Masyarakat Cemerlang Yang Beragama, Berbudaya, Penyayang, Cerdas, Bersatu Padu, Dinamik dan Berwawasan’.
- Keramaian : Lebih 250 belia dan pemimpin belia terdiri daripada Persatuan-Persatuan Belia; alumni program-program belia; sukarelawan-sukarelawan belia; belia-belia masjid dan muslimah-muslimah masjid.



9. KONGRES BELIA KEBANGSAAN 2019

9(a). MAJLIS PERASMIAN

Ahad, 16 Jun 2019 (Dewan Persidangan Utama, Pusat Persidangan Antarabangsa, Berakas)

- Hadir : Yang Berhormat Dato Menteri Kebudayaan, Belia dan Sukan.
- Keterangan : Kementerian Kebudayaan, Belia dan Sukan dengan kerjasama rakan-rakan strategiknya telah menganjurkan Kongres Belia Kebangsaan 2019 dengan tema "Bersama Mencorakkan Masa Hadapan Kita". Kongres berlangsung selama dua hari pada 16 dan 17 Jun 2019.

Kongres Belia Kebangsaan adalah detik bersejarah bagi golongan belia di mana iaanya adalah platform tertinggi bagi para belia untuk menyuarakan pandangan dan perkara-perkara keutamaan. Suara belia adalah diambil berat dengan mengimbas kembali Titah Kebawah Duli Yang Maha Mulia Paduka Seri Baginda Sultan dan Yang Di-pertuan Negara Brunei Darussalam sempena Sambutan hari Kebangsaan Negara Brunei Darussalam kali ke-35. Usaha hendaklah dipertingkatkan sehingga para belia benar-benar mampu untuk mengandings bahu dengan Kerajaan. Maka dengan itu Kongres Belia Kebangsaan 2019 adalah tanggungjawab besar kita selaku *whole of nation approach* bagi mempersiapsiagakan belia dengan yang terbaik bagi menerajui dan menjamin kesejahteraan negara khususnya dalam mengharungi masa depan.

Belia pada masa kini lebih berani tampil ke hadapan dan telah berjaya menjadi *pioneer* dalam bidang terpilih termasuk dalam kesukarelawanan, perkhidmatan awam, bidang kreatif dan keusahawanan sehingga mampu mengambil peluang bagi meluaskan skop pencapaian secara *cross border*. Kongres Belia Kebangsaan tersebut adalah diharapkan sebagai satu permulaan transformatif bagi belia bergerak secara bersatu untuk memajukan negara ke arah menjayakan Wawasan Brunei 2035.





9(b). MAJLIS MAKAN MALAM (WOKING DINNER)

Ahad, 16 Jun 2019 (Dewan Persidangan Utama, Pusat Persidangan Antarabangsa, Berakas)

■ Hadir

: Yang Berhormat Dato Menteri Kebudayaan, Belia dan Sukan.

■ Keterangan

: Majlis Makan Malam diisikan dengan sesi kongsama bersama Dayang Elim Chew, Founder and President 77th Street (s) PTE LTD, penceramah jemputan dari Singapura yang telah menyampaikan ceramah bertajuk "Youth as Game Changer – Promoting Youth Participation and Community Change". Beliau mengkongsikan pengalaman sebagai usahawan muda yang berjaya disamping aktiviti beliau sebagai pengusaha sosial yang menjalankan projek-projek kemasyarakatan. Perkongsian ini dihasratkan untuk membuka minda dan menjadi inspirasi kepada para belia di negara ini. Belia disarankan untuk mengenalpasti dan mewujudkan peluang-peluang bagi diri sendiri terutama sekali dalam menubuhkan perniagaan dan juga melaksanakan projek-projek yang bermanfaat kepada masyarakat. Belia juga perlu bersikap berani untuk merebut peluang yang ada tanpa takut menghadapi kegagalan. Di samping itu, Dayang Elim Chew menasihatkan kepada para belia untuk terus maju ke hadapan sebagai agen perubahan dalam menangani cabaran-cabaran yang timbul dari masa ke semasa.

Majlis juga diisikan dengan *Youth Entrepreneur Talk* yang disampaikan oleh Awang Afiq bin Mohammed, EICO Founder/lead organizer for startup weekend Brunei and ASEAN Ricebowl Startup Awards Brunei dan Dayang Nazurah binti Salleh, Creative Group Brunei Darussalam yang turut diberikan peluang untuk mengongsikan pengalaman mereka melalui sesi bual bicara "Youth Talk". Sesi bual bicara ini mengenangkan aktiviti keusahawanan mereka yang cukup berbeza dilaksanakan daripada perniagaan-perniagaan yang biasa dilaksanakan oleh belia-belia di negara ini.





9(c). MAJLIS PENUTUP DAN PENYERAHAN RESOLUSI

Iasnin, 17 Jun 2019 (Dewan Musyawarah, Pusat Persidangan Antarabangsa, Berakas)

-  Hadir : Yang Berhormat Dato Seri Setia Haji Awang Abdul Mokti bin Haji Mohd Daud, Menteri di Jabatan Perdana Menteri; Yang Berhormat Dato Seri Setia Awang Haji Hamzah bin Haji Sulaiman, Menteri Pendidikan; Yang Berhormat Dato Seri Setia Awang Abdul Mutualib bin Pehin Orang Kaya Seri Setia Dato Paduka Haji Mohammad Yusof, Menteri Pengangkutan dan Infokomunikasi; Yang Berhormat Mejjar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan; Yang Mulia Pengiran Dato Seri Paduka Haji Bahrom bin Pengiran Haji Bahar, Timbalan Menteri Hal Ehwal Ugama; Yang Mulia Dato Seri Paduka Awang Ahmaddin bin Haji Abd Rahman, Timbalan Menteri Kewangan dan Ekonomi; dan Yang Mulia Dato Seri Paduka Awang Haji Matsatejo bin Sokiaw, Timbalan Menteri Tenaga (Tenaga dan Tenaga Manusia) dan Perindustrian.
-  Keterangan : Yang Mulia Awang Muhammad Aidil Firdaus bin Haji Jukin, Yang Di-Pertua Majlis Belia Brunei telah menyampaikan Resolusi Kongres Belia Kebangsaan 2019 kepada Yang Berhormat Dato Menteri Kebudayaan, Belia dan Sukan.

Resolusi tersebut membentangkan tiga sektor utama berkaitan dengan pembangunan belia yang dikenal pasti melalui 'Youth Development Index 2018' dan Bengkel Persediaan Kongres Belia Kebangsaan (Pre-Kongres).

Tiga sektor tersebut ialah Belia Siaga Masa Depan, Penglibatan Belia dan Keusahawanan.

Belia Siaga Masa Depan antara lain menerapkan kefahaman tentang Wawasan Brunei 2035 pada setiap individu dan lapisan masyarakat agar menguatkan penglibatan belia untuk menyumbang kepada pencapaian kejayaan wawasan, di samping mengenal pasti rangka kerja bagi menilai impak sumbangannya para belia terhadap masyarakat dan Wawasan Brunei 2035 yang dilaksanakan oleh badan-badan yang berkenaan, di samping mengukur tahap kesediaan para belia.

Sementara itu, bagi Sektor Penglibatan Belia pula ialah mewujudkan mekanisme bagi merekodkan, menilai dan memberikan penghargaan bagi penglibatan belia yang aktif, sebagai contoh subjek aktiviti kemasyarakatan, kelayakan bagi menamatkan pengajian dan sebagai penilaian prestasi bagi kenaikan pangkat dengan syarat-syarat tertentu, selain mewujudkan Dana Belia yang dipantau oleh pihak kerajaan dan Majlis Belia Brunei bagi memberi sokongan kepada projek-projek yang dijalankan oleh belia dan untuk para belia.

Bagi sektor Keusahawanan pula, dengan meningkatkan skop dan laluan pendidikan merangkumi aspek meluas seperti pendedahan praktikal kepada keusahawanan, perniagaan dan kewangan, kemahiran insaniah (soft-skills) dan inovasi daripada pelbagai peringkat untuk memupuk kesedaran dan membina kemahiran keusahawanan juga keupayaan terhadap inovasi daripada usia muda.

Para pendidik harus dilengkapkan dengan kemahiran yang meluas dan praktikal sesuai dengan keperluan negara dan Revolusi Industri Ke-4.



10. ASEAN YOUTH LEADERS' PREPARATORY MEETING FOR THE 2019 YOUTH INTERFACE WITH THE ASEAN LEADERS

Khamis, 20 Jun 2019 (Lapangan Terbang Antarabangsa Berakas)

■ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.

■ Keterangan : Perwakilan belia telah bertolak ke Bangkok, Thailand bagi menyertai *ASEAN Youth Leaders' Preparatory Meeting for the 2019 Youth Interface with the ASEAN Leaders* yang telah diadakan pada 20 hingga 24 Jun 2019. Mesyuarat persediaan selama lima hari tersebut telah berlangsung bersempena dengan Sidang Kemuncak ASEAN Ke-34 yang berlangsung di Bangkok.

ASEAN Youth Leaders' Preparatory Meeting for the 2019 Youth Interface with the ASEAN Leaders merupakan platform bagi pemimpin-pemimpin belia ASEAN untuk berkongsi dan bertukar-tukar pandangan mengenai isi-isu yang mustahak berhubung dengan masyarakat, komuniti dan negara serta untuk memastikan kesedaran kerjasama dengan pembangunan belia. Forum yang diadakan tersebut diharapkan dapat meningkatkan dan mempromosikan kefahaman perbezaan budaya di kalangan pemimpin belia ASEAN yang diharap dapat membawa kepada kerjasama yang kukuh dan mampan.

Matlamat forum tersebut adalah untuk menjadi platform bagi pemimpin-pemimpin belia ASEAN berbincang dan bertukar-tukar pandangan mengenai isu-isu yang berkaitan dengan pembangunan belia.

■ Penyertaan : Seramai dua orang belia iaitu Haji Abdul Mateen Bolkini bin Haji Ahmad, Timbalan Bendahari Agung, Majlis Belia Brunei dan Dayang Siti Julaiha binti Puasa, graduan Universiti Islam Sultan Sharif Ali yang juga Belia Masjid Sultan Sharif Ali, Sengkurong.



11. SAMBUTAN HARI OLIMPIK 2019

Ahad, 30 Jun 2019 (Dewan Serbaguna, Kompleks Sukan Negara Hassanal Bolkiah)

Duli Yang Teramat Mulia Paduka Seri Pengiran Bendahara Seri Maharaja Permaisura Pengiran Muda Haji Sufri Bolkiah ibni Al-Marhum Sultan Haji Omar 'Ali Saifuddien Sa'adul Khairi Waddien, Presiden Majlis Olimpik Kebangsaan Negara Brunei Darussalam berkenan berangkat bagi melancarkan Sambutan Hari Olimpik 2019.

Turut berangkat ialah anakanda Duli Yan Teramat Mulia, Yang Amat Mulia Pengiran Anak Aliyah Amalul Bulqiah.

 Keterangan : Hari Olimpik 2019 dianjurkan oleh Majlis Olimpik Kebangsaan Negara Brunei Darussalam dengan kerjasama Jabatan Belia dan Sukan, Kementerian Kebudayaan, Belia dan Sukan bagi meraikan Hari Olimpik Sedunia yang jatuh pada 23 Jun setiap tahun untuk memperingati kelahiran Hari Olimpik Moden pada 23 Jun 1894 di Paris.

Antara perisian Sambutan Hari Olimpik kali ini ialah aktiviti-aktiviti sukan seperti bola sepak lima sepasukan, olahraga bagi kanak-kanak, hoki, bola jaring, taekwando dan permainan tradisional. Sambutan juga dimeriahkan dengan Pameran 2020 Tokyo Olympic Games yang dikelolakan oleh Kedutaan Jepun di Negara Brunei Darussalam, Pusat Perubatan dan Penyelidikan Sukan (SMRC) dan Brunei Darussalam Anti-Doping Committee.

Sambutan pada tahun ini diisikan dengan pelbagai kegiatan sukan yang dijadikan sebagai satu riadah dan amalan cara hidup sihat yang boleh disertai oleh semua lapisan masyarakat. Konsep sambutan sebegini di hasrat akan dapat menzahirkan kesedaran mengenai pentingnya fair play, sukan untuk masyarakat dan sukan untuk kesihatan. Inilah nilai-nilai utama Olimpik yang perlu dikembangluaskan pada setiap masa.





12. SAMBUTAN HARI BELIA KEBANGSAAN KE-14, 2019

12(a). MAJLIS SOLAT FARDHU MAGHRIB DAN ISYAK BERJEMAAH, BERTAHLIL SERTA DOA KESYUKURAN

Khamis, 25 Julai 2019 (Masjid Duli Raja Isteri Pengiran Anak Damit, Mukim Kilanas)

- ❖ Hadir : Yang Berhormat Dato Menteri Kebudayaan, Belia dan Sukan.
- ❖ Keterangan : Majlis Solat Fardhu Maghrib dan Isyak Berjemaah, Bertahlil serta Doa Kesukuran telah diadakan bersempena dengan Sambutan Hari Belia Kebangsaan Ke-14 bagi tahun 2019.
- ❖ Penyertaan : Majlis turut disertai oleh Ahli-Ahli Jawatankuasa Tertinggi Takmir Masjid Duli Raja Isteri Pengiran Anak Damit; Persatuan-Persatuan Belia; Pergerakan-Pergerakan Belia; Rekrut Polis Diraja Brunei; Belia-Belia Masjid, Jabatan Hal Ehwal Masjid; Ahli-Ahli Kelab Komuniti Belia Transformasi (KKBT); Pelatih Pusat Pembangunan Belia (PPB); Alumni Program Khidmat Bakti Negara; Alumni Program-Program Kebangsaan dan Antarabangsa; dan penduduk sekitar Mukim Kilanas.



12(b). MAJLIS SAMBUTAN HARI BELIA KEBANGSAAN KE-14, 2019

Sabtu, 3 Ogos 2019 (Dewan Plenari, Pusat Persidangan Antarabangsa, Berakas)

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam berkenan berangkat ke Majlis Sambutan Hari Belia Kebangsaan Ke-14, 2019.

Berangkat sama ialah Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah, Menteri Kanan di Jabatan Perdana Menteri; Yang Teramat Mulia Paduka Seri Duli Pengiran Muda 'Abdul Malik; Duli Yang Teramat Mulia Paduka Seri Pengiran Perdana Wazir Sahibul Himmah Wal-Waqar Pengiran Muda Mohamed Bolkiah; dan Duli Yang Teramat Mulia Paduka Seri Pengiran Digadong Sahibul Mal Pengiran Muda Haji Jefri Bolkiah.

Keterangan:

Konsep Sambutan Hari Belia Kebangsaan memfokuskan kepada keusahawanan dan teknologi. Manakala tema sambutan ialah 'Belia Siaga Masa Depan'.

Sambutan Hari Belia Kebangsaan 2019 telah diadakan di Pusat Persidangan Antarabangsa. Fokus utama Perhimpunan Ramah Mesra Belia adalah Keusahawanan dan Teknologi. Format adalah berdasarkan empat (4) kluster utama iaitu Ekonomi Kreatif (*Creative Economy*), Usahawan Sosial (*Social Entrepreneur*), Sukarelawan (*Volunteerism*) dan Aspek Pembangunan Berdaya Tahan (*Sustainable Development Area*).

Kesinambungan daripada Perhimpunan ini, satu Pleno Usahawan Belia 2019 juga turut diadakan dan telah dibukakan kepada orang ramai yang diadakan pada sebelah petang, 03 Ogos 2019. Sebanyak tiga (3) sesi telah diadakan dan ianya dikendalikan oleh *Young Entrepreneurs Association Brunei (YEAB)* dan Dewan Perniagaan dan Perusahaan Melayu Brunei.

Aturcara:

Majlis dimulakan dengan sembah alu-aluan oleh Yang Berhormat Dato Menteri Kebudayaan, Belia dan Sukan selaku Pengerusi Jawatankuasa Tertinggi Sambutan Hari Belia Kebangsaan, diikuti dengan Titah Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, ikrar belia, tayangan video terbitan kumpulan belia kreatif dihasilkan oleh Mirul FS Productions, persembahan belia yang mencerminkan benih-benih transformasi seiring perledakan ekonomi digital dan industry revolusi 4.0 dan kesiagaan belia-belia negara dalam sama-sama membangun negara serta menyahut gagasan titah ke arah mencapai Wawasan 2035 berlandaskan falsafah Melayu Islam Beraja dan acara kemuncak sambutan ialah Penyampaian Anugerah Hari Belia Kebangsaan 2019 dalam empat kategori iaitu Belia Cemerlang, Belia Berkhidmat, Pemimpin Muda Belia dan Projek Cemerlang Untuk Belia. Penerima Anugerah Belia Cemerlang ialah Dayang Hajah Noor Monasalieana @ Suzie binti Haji Mohd Salleh; Penerima Anugerah Belia Berkhidmat ialah Dayang Dr. Hajah Ummi Fa'izah binti Haji Abd Rahman; Penerima Anugerah Pemimpin Muda Belia ialah Pengiran Salimatul Sa'ada binti Pengiran Mohd Saleh dan Anugerah Projek Cemerlang Untuk Belia ialah Projek Dart daripada Dart Logistics Sdn. Bhd.







13. PROGRAM WIRA FAJAR SEMBAHYANG FARDHU SUBUH BERJEMAAH DI MASJID BAGI TAHUN 1440H/2019M SEMPENA MASJID KU MAKMUR NEGARA BERKAT

Jumaat, 16 Ogos 2019 (Masjid Ar-Rahman Kampung Tanjung Bunut)

- ⊕ Hadir : Yang Berhormat Dato Menteri Kebudayaan, Belia dan Sukan.
- ⊕ Keterangan : Program Wira Fajar Sembahyang Fardhu Subuh Berjemaah Di Masjid kali ini merupakan penganjuran kali ketiga. Antara lain tujuan program ini diadakan adalah untuk mendidik diri para belia untuk mengerjakan sembahyang berjemaah di masjid serta memberikan pendedahan kepada para belia dengan mengisi aktiviti yang bermanfaat terutama sekali dalam mengadakan aktiviti-aktiviti keagamaan di masjid-masjid.
- ⊕ Aturcara : Majlis dimulakan dengan Sembahyang Fardhu Subuh Berjemaah diimamkan oleh Yang Mulia Awang Asbinin bin Haji Zainal, diikuti dengan Ceramah dan Tazkirah Subuh bertajuk "Belia Siaga Masa Depan" oleh Yang Mulia Ustaz Dr. Andas Haji Ismuhadil bin Haji Abdullah dari Pusat Da'wah Islamiah dan diselajurkan dengan bacaan Surah Al-Kahfi dan Sembahyang Dhuha.
- ⊕ Penyertaan : Seramai lebih 400 peserta belia terdiri daripada Ahli-Ahli Jawatankuasa Takmir Masjid Ar-Rahman Kampung Tanjung Bunut; Pegawai-Pegawai Kerajaan; Persatuan-Persatuan Belia; Belia-Belia Masjid; Institusi Pengajian Tinggi; Ahli-Ahli Kelab Komuniti Belia Transformasi (KKBT); Alumni Program-Program Kebangsaan dan Antarabangsa; Rekrut-Rekrut Angkatan Bersenjata Diraja Brunei dan Pasukan Polis Diraja Brunei; serta penduduk sekitar Kampung Tanjung Bunut.



14. PROGRAM PERTUKARAN BELIA DUA HALA NEGARA BRUNEI DARUSSALAM DAN REPUBLIK KOREA 2019

20 – 28 Ogos 2019

❖ Keterangan : Hubungan persahabatan dan persefahaman Negara Brunei Darussalam dan Republik Korea semakin kukuh dan terjalin erat dengan adanya Program Pertukaran Belia Dua Hala Negara Brunei Darussalam dan Republik Korea yang merupakan salah satu daripada program dibawah perjanjian kerjasama atau *Arrangement on Cooperation on Youth Matters* yang telah dimeterai diantara kedua buah kerajaan dan telah dipersetujui pada 10 Februari 2010.

Program ini mula dilaksanakan pada tahun 2011 dan pada tahun ini merupakan kali ke-9 program ini diadakan pada 20 hingga 28 Ogos 2019.

Setakat ini, seramai 80 orang belia dari Negara Brunei Darussalam dan 90 orang belia dari Republik Korea telah menyertai Program Pertukaran Belia Dua Hala Negara Brunei Darussalam dan Republik Korea.

Di antara pengisian program ini termasuk berinteraksi bersama pelajar-pelajar Pusat Bahagia, Pulaie dan belia-belia tempatan anjuran Majlis Belia Brunei dan NGO yang lain di Dewan Bahasa dan Pustaka Lambak Kanan; menyaksikan kejohanan *The 10th Asian Junior Wushu Championship*; membuat lawatan sambal belajar ke Galeri Sukan, Kampong Batu Marang, Pusat Sejarah Brunei, Bangunan Alat-Alat Kebesaran Diraja, Muzium Teknologi Melayu, Darussalam Enterprise (DARe), iCentre, menyaksikan kemeriahinan Bandarku Ceria dan sebagainya termasuk menjalankan *homestay* bersama keluarga angkat selama dua hari.

❖ Penyertaan : Seramai 10 orang belia diketuai oleh Mr. Junhong Cho, Pegawai dari *Ministry of Gender, Equality and Family*, Republik Korea.



Peserta Program bersama pelajar-pelajar Pusat Bahagia, Pulaie



Peserta Program bersama YB Menteri KKBS dalam Majlis Kunjung Hormat



Peserta Program dalam Majlis bersama keluarga angkat di Hotel Kiulap Plaza



Peserta Program di dalam Majlis Penutup

15. RIADAH BERBASIKAL KEPUTERAAN 2019

Ahad, 8 September 2019 (Taman Haji Sir Muda Omar 'Ali Saifuddien, Bandar Seri Begawan)

Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam telah berkenan berangkat menyertai acara Riadah Berbasikal Keputeraan 2019 pada 8 September 2019.

Berangkat sama ialah Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah, Menteri Kanan di Jabatan Perdana Menteri; Duli Yang Teramat Mulia Paduka Seri Pengiran Muda 'Abdul Malik; dan Duli Yang Teramat Mulia Paduka Seri Pengiran Muda 'Abdul Mateen.

 **Keterangan:** Riadah Berbasikal Keputeraan 2019 dianjurkan oleh Kementerian Kebudayaan, Belia dan Sukan bekerjasama dengan Kementerian Hal Ehwal Dalam Negeri, Kementerian Hal Ehwal Ugama, Kementerian Kesihatan dan Kementerian Pengangkutan dan Infokomunikasi serta penglibatan semua kementerian-kementerian yang lain serta Persekutuan Basikal Brunei Darussalam bagi memeriahkan lagi Sambutan Perayaan Ulang Tahun Hari Keputeraan Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam Ke-73 Tahun; dan Acara Riadah Berbasikal Keluarga Harmoni dan Belia Kebangsaan 2019 Sempena Sambutan Hari Keluarga Kebangsaan Kali Ke-8 Tahun 2019 serta Sambutan Hari Belia Kebangsaan Kali Ke-14 Tahun 2019.

Acara riadah berbasikal telah mengelilingi Bandar Seri Begawan sejauh 11.50 kilometer dan melintasi jalan-jalan utama antaranya Jalan Sultan Omar 'Ali Saifuddien, Jalan Kianggeh, Jalan Sekolah, Jalan Kumbang Pasang, Jalan Perdana Menteri, Jalan Haji Basir, Jalan Sultan dan berakhir di Taman Haji Sir Muda Omar 'Ali Saifuddien.

Kebawah Duli Yang Maha Mulia serta kerabat diraja kemudian berkenan menyaksikan perbarisan lalu daripada seramai 73 orang pekayuh basikal dari keempat-empat daerah bagi acara kayuhan 73 kilometer.

Baginda dan kerabat diraja turut menyaksikan secara lebih dekat lagi kemeriahian Bandarku Ceria dengan berbagai jenis aktiviti yang disediakan daripada agensi-agensi yang terlibat.

Riadah Berbasikal Keputeraan 2019 dilaksanakan oleh para belia dengan tujuan bagi memberikan peluang dan kesedaran kepada para belia dalam aspek kekeluargaan dengan memfokuskan kepada pengukuhan institusi keluarga serta perubahan *mindset* yang lebih positif yang mana acara ini bertemakan 'Belia Ceria Keluarga Bahagia' dengan pengisian aktiviti dibahagikan kepada dua (2) zon dan dikendalikan oleh agensi kerajaan, swasta, persatuan-persatuan dan kelab-kelab belia, sukan dan yang berkaitan iaitu Zon Kreativiti dan Inovasi yang menumpukan kepada aktiviti-aktiviti belia dalam bentuk industri kreatif serta belia-belia yang bergiat aktif di dalam bidang teknologi serta Zon Sukan Ria dan Keluarga, iaitu menumpukan kepada aktiviti-aktiviti sukan (sukan tradisi dan ria) termasuk aktiviti-aktiviti bagi kanak-kanak dan keluarga.

 **Penyertaan:** Lebih 3000 pekayuh basikal terdiri daripada pelbagai lapisan masyarakat telah menyertai acara berbasikal tersebut.





16. PROGRAM BAS BELIA 2019

16(a). MAJLIS PELEPASAN PROGRAM BAS BELIA 2019

Ahad, 8 September 2019 (Entrance Stadium Tertutup, Kompleks Sukan Negara Hassanal Bolkiah)

❖ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.

❖ Keterangan : Kementerian Kebudayaan, Belia dan Sukan dengan kerjasama Kementerian Hal Ehwal Dalam Negeri, Kementerian Hal Ehwal Ugama, Kementerian Pendidikan dan Jabatan Daerah di keempat-empat daerah buat kedua kalinya telah mengadakan Program Bas Belia 2019 selama 7 hari bermula pada 07 hingga 13 September 2019 sebagai salah satu program sampingan bagi memeriahkan lagi Sambutan Hari Belia Kebangsaan Kali Ke-14 yang telah disambut pada 03 Ogos 2019.

Objektif Program Bas Belia ini diadakan adalah untuk mendidik dan meningkatkan ke arah perkembangan dan pembangunan diri, kepimpinan, daya usaha dan persefahaman disamping mendedahkan ilmu dan maklumat mengenai bidang keusahawanan dan penggunaan teknologi dalam keusahawanan serta untuk mengenali dengan lebih dekat lagi identiti, sosial, budaya dan masyarakat di daerah-daerah.

Program tersebut telah bermula di Perkampungan Sukan, KSNHB dan bergerak ke Daerah Temburong, Daerah Belait dan Daerah Tutong.

❖ Penyertaan : Seramai 38 orang belia, 24 lelaki dan 14 perempuan berumur di antara 15 hingga 25 tahun dari keempat-empat daerah dengan 10 daripadanya dari Daerah Brunei dan Muara, 11 dari Daerah Belait, 8 dari Daerah Tutong dan 9 dari Daerah Temburong menyertai program berkenaan.



16(b). MAJLIS PENUTUP DAN PENYAMPAIAN SIJIL PROGRAM BAS BELIA 2019

Jumaat, 13 September 2019 (Kawasan Lapang, Tamu Serambangan, Daerah Tutong)

└─ Hadir

: Yang Berhormat Dato Menteri Kebudayaan, Belia dan Sukan.

└─ Keterangan

: Program ini telah mengumpulkan belia dari keempat-empat daerah sebagai lambang perpaduan dan integrasi dengan menjelajah ke seluruh negara berlandaskan kepada Enam Bidang Strategi Penting dalam Dasar Belia Negara.

Di antara pengisian program termasuk taklimat pengenalan program, sesi suaikenal, sesi pertemuan bersama Yang Berhormat dan Pegawai Daerah di keempat-empat daerah, aktiviti pembangunan diri dan kepimpinan, aktiviti kerohanian dan keugamaan, aktiviti sukan dan cabaran fizikal, aktiviti keusahawanan - sesi berkongsi pengalaman kejayaan bersama usahawan tempatan, aktiviti kebudayaan dan aktiviti khidmat kepada masyarakat dan sebagainya.



17. ASEAN SPORTS DAY

Ahad, 22 September 2019 (Dewan Serbaguna, Kompleks Sukan Negara Hassanal Bolkiah, Berakas)

■ Hadir : Yang Berhormat Dato Menteri Kebudayaan, Belia dan Sukan.

■ Keterangan : ASEAN Sports Day telah dianjurkan oleh Kementerian Kebudayaan, Belia dan Sukan dengan kerjasama Kementerian Hal Ehwal Luar Negeri.

Penganjuran sukan tersebut merupakan satu komitmen setiap negara-negara anggota ASEAN semasa *Senior Official Meeting on Sports* (SOMS) pada bulan November 2018 di Myanmar sebagai salah satu acara memperingati Hari ASEAN yang diraikan pada setiap 8 Ogos. Di samping itu, penganjuran juga bertujuan bagi mengeratkan silaturahim dan memupuk perpaduan, persefahaman serta kerjasama dikalangan lapisan masyarakat ASEAN.

Antara permainan yang ditonjolkan termasuklah Permainan Patintero dari Filipina; Handball (Tossing Ball) dan jualan makanan dari Myanmar; Sepak Takraw dari Thailand; dan Poco-Poco Erobik, Terompah Panjang / Bakiak dan *Tug of War* dari Republik Indonesia.



OKTOBER 2019

18. MAJLIS PENYAMPAIAN GANJARAN KEMENANGAN SKIM PENGGALAK KECEMERLANGAN SUKAN (SPKS)

Sabtu, 5 Oktober 2019 (Bilik VIP, Tingkat I, Stadium Negara Hassanal Bolkiah)

▫ Hadir : Yang Berhormat Dato Menteri Kebudayaan, Belia dan Sukan.

▫ Keterangan : Seramai 9 orang atlet, 3 orang jurulatih, 2 orang penolong jurulatih dan 3 Persatuan Sukan Kebangsaan telah menerima Ganjaran Kemenangan Skim Penggalak Kecemerlangan Sukan (SPKS). Penerima-penerima ini adalah atlet-atlet dari sukan Lawan Pedang, Wushu dan Pencak Silat yang telah berjaya dan meraih pingat di *South-East Asia Fencing Federation (SEAFF) 2018* pada 28 September hingga 03 Oktober 2018 di Kuala Lumpur, Malaysia; *FISU World University Wushu Championship* pada 02 hingga 05 Ogos 2018 di Macau, China dan *1st Asian Traditional (Kung Fu) Wushu Championship 2018* pada 28 hingga 30 November 2018 di Nanjing, China dan *18th Pencak Silat World Championship* pada 13 hingga 16 Disember 2018 di Singapura.

Sukan-sukan yang menerima ganjaran kemenangan SPKS adalah sukan Lawan Pedang bagi kejohanan *South-East Asia Fencing Federation (SEAFF) 2018* berjumlah \$1,400.00; sukan Wushu bagi kejohanan *FISU World University Wushu Championship* berjumlah \$1,450.00 dan *1st Asian Traditional (Kung Fu) Wushu Championship 2018* berjumlah \$18,000.00; dan sukan Pencak Silat bagi kejohanan *18th Pencak Silat World Championship* berjumlah \$8,400.00.



19. PROGRAM RANCANGAN KAPAL BELIA ASIA TENGGARA DAN JEPUN KE-46, 2019

19(a). PRA TONTON PERSEMBAHAN KEBUDAYAAN KEBANGSAAN KONTINJEN NEGARA BRUNEI DARUSSALAM KE RANCANGAN KAPAL BELIA ASIA TENGGARA DAN JEPUN KE-46, 2019

Isnin, 14 Oktober 2019 (Dewan Digadong, Bangunan KKBS)

- FLAG Hadir : Yang Mulia Dr. Dayang Siti Norkhalbi binti Haji Wahsalfelah, Pemangku Setiausaha Tetap Kementerian Kebudayaan, Belia dan Sukan.
- FLAG Keterangan : Kontinjen Negara Brunei Darussalam telah membuat satu Pra Tonton Persembahan Kebudayaan Kebangsaan (*National Presentation*) yang dibawakan dalam Program Rancangan Kapal Belia Asia Tenggara dan Jepun Ke-46. Program bermula pada 24 Oktober hingga 13 Disember 2019, selama 51 hari bersama 330 orang belia dari 11 buah negara dengan menggunakan Kapal Nippon Maru dengan singgah ke beberapa buah negara iaitu Vietnam, Singapura, Myanmar, Malaysia dan Tokyo.
- FLAG Penyertaan : Diwakili seramai 29 orang belia iaitu seorang Ketua Kontinjen, 14 peserta lelaki dan 14 peserta perempuan yang terdiri daripada pegawai-pegawai kerajaan dan swasta serta belia-belia perseorangan.
- FLAG Program Pra Tonton: Antara persembahan kebudayaan yang telah disediakan termasuk Silat, Tarian Dang Mengalai, Lagu Kampung Ayer dan Kain Jong Sarat.



19(b). MAJLIS PENYERAHAN BENDERA KEBANGSAAN KEPADA KONTINJEN RANCANGAN KAPAL BELIA ASIA TENGGARA DAN JEPUN KE-46, 2019

Selasa, 15 Oktober 2019 (Bilik Hijau, Stadium Negara Hassanal Bolkiah)

❖ Hadir : Yang Berhormat Dato Menteri Kebudayaan, Belia dan Sukan.

❖ Keterangan : Majlis penyerahan bendera negara telah disempurnakan oleh Yang Berhormat Dato Menteri Kebudayaan, Belia dan Sukan kepada Yang Mulia Awang Shahminan bin Haji Md. Yassin selaku Ketua Kontinjen Negara Brunei Darussalam Ke Rancangan Kapal Belia Asia Tenggara dan Jepun Ke-46.

❖ Aturcara : Majlis dimulakan dengan ucapan nasihat oleh Yang Berhormat Dato Menteri Kebudayaan, Belia dan Sukan, diikuti dengan penyerahan tiket penerbangan oleh Mr. Abe Hiroshi, wakil Kedutaan Jepun ke Negara Brunei Darussalam kepada Ketua Kontinjen Negara Brunei Darussalam. Majlis diteruskan dengan penyerahan bendera kepada Ketua Kontinjen.



19(c). MAJLIS SELAMAT BELAYAR BAGI KONTINJEN NEGARA BRUNEI DARUSSALAM KE RANCANGAN KAPAL BELIA ASIA TENGGARA DAN JEPUN KE-46, 2019

Iasnin, 23 Oktober 2019 (Lapangan Terbang Antarabangsa Brunei)

- ❖ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.
- ❖ Keterangan : Kontinjen Negara Brunei Darussalam telah berlepas ke Tokyo, Jepun bagi menyertai Rancangan Kapal Belia Asia Tenggara dan Jepun Ke-46 yang mana merupakan program pertukaran belia antarabangsa khusus bagi negara-negara ASEAN dan Jepun bermula sejak 1974 dengan tujuan bagi melahirkan kesefahaman dan kerjasama antarabangsa dikalangan belia-belia ASEAN dan juga Jepun, disamping mempelajari adat budaya, politik dan pembangunan ekonomi bagi sesebuah negara.

Penyertaan Negara Brunei Darussalam tahun ini merupakan kali ke-34 sejak penyertaan rasmi negara pada tahun 1985.



20. PROGRAM WIRA FAJAR SEMBAHYANG FARDHU SUBUH BERJEMAAH DI MASJID BAGI TAHUN 1440H/2019M

Jumaat, 18 Oktober 2019 (Masjid Kg. Serdang)

■ Hadir :

Yang Berhormat Dato Menteri Kebudayaan, Belia dan Sukan.

■ Keterangan :

Program Wira Fajar Sembahyang Fardhu Subuh Berjemaah Di Masjid ini merupakan penganjuran kali keempat. Antara lain tujuan program ini diadakan adalah untuk mendidik diri para belia untuk mengerjakan sembahyang berjemaah di masjid serta memberikan pendedahan kepada para belia dengan mengisi aktiviti yang bermanfaat terutama sekali dalam mengadakan aktiviti-aktiviti keagamaan di masjid-masjid.

■ Aturcara :

Majlis dimulakan dengan Sembahyang Fardhu Subuh Berjemaah diimamkan oleh Yang Mulia Haji Moksin bin Haji Mokti, diikuti dengan Ceramah dan Tazkirah Subuh bertajuk "Pemuda Kahfi Abad 21" oleh Yang Mulia Ustaz Muhammad Yusof bin Haji Abdul Majid dari Unit Kaunseling dan Kefahaman Agama, Kementerian Hal Ehwal Ugama dan diselajurkan dengan bacaan Surah Al-Kahfi dan Sembahyang Dhuha dikepalai oleh Yang Mulia Pengiran Haji Rusman bin Pengiran Haji Shahbudin.

■ Penyertaan :

Seramai lebih 400 peserta belia terdiri daripada Ahli-Ahli Jawatankuasa Takmir Masjid Kg. Serdang; Pegawai-Pegawai Kerajaan; Persatuan-Persatuan Belia; Belia-Belia Masjid; Institusi Pengajian Tinggi; Ahli-Ahli Kelab Komuniti Belia Transformasi (KKBT); Alumni Program-Program Kebangsaan dan Antarabangsa; serta penduduk sekitar Kampong Serdang.



21. SUKAN ASIA TENGGARA KE-30, FILIPINA 2019

21(a). MAJLIS PENYERAHAN BENDERA NEGARA KEPADA KONTINJEN NEGARA BRUNEI DARUSSALAM

Khamis, 21 November 2019 (Stadium Tertutup, Kompleks Sukan Negara Hassanal Bolkiah)

Duli Yang Teramat Mulia Paduka Seri Pengiran Bendahara Seri Maharaja Permaisluara Pengiran Muda Haji Sufri Bolkiah ibni Al-Marhum Sultan Haji Omar 'Ali Saifuddien Sa'adul Khairi Waddien, Presiden Majlis Olimpik Kebangsaan Negara Brunei Darussalam berkenan berangkat bagi menyempurnakan majlis tersebut.

Berangkat sama ialah Yang Teramat Mulia Paduka Seri Pengiran Anak Puteri Fadzilah Lubabul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah.

 **Keterangan** : Negara Brunei Darussalam telah menghantar kontinjen bagi menyertai Sukan Asia Tenggara (Sukan SEA) Ke-30 yang diadakan bermula pada 30 November hingga 11 Disember 2019 bertempat di Filipina. Kontinjen negara telah menyertai sebanyak 14 acara sukan iaitu akuatik, olahraga, sukan biliard, lawan pedang, bola sepak, golf, karatedo, boling padang, bola jaring, pencak silat, polo, taekwando, tenpin bowling dan wushu.

 **Aturcara** : Majlis dimulakan dengan sembah alu-aluan oleh Yang Berhormat Dato Menteri Kebudayaan, Belia dan Sukan.

Kemuncak majlis ialah sabda Duli Yang Teramat Mulia dan seterusnya penyerahan bendera Negara Brunei Darussalam oleh Duli Yang Teramat Mulia kepada Yang Mulia Haji Muhd Zamri bin Dato Paduka Haji Hamdani, *Chef de Mission* Kontinjen Negara Brunei Darussalam ke Sukan SEA Ke-30, Filipina 2019. Majlis diakhiri dengan bergambar ramai bersama Presiden Majlis Olimpik Kebangsaan Negara Brunei Darussalam.

 **Penyertaan** : Kontinjen dianggotai seramai 161 orang yang terdiri daripada 87 orang atlet dan 74 orang pegawai termasuk *Chef de Mission*, *Assistant Chef de Mission*, Ketua Urusetia, Pegawai Urusetia, Pegawai Perhubungan, Pengurus Pasukan, Jurulatih dan Pegawai, Doktor serta Fisioterapi.



21(b). UPACARA SELAMAT BELAYAR BAGI ROMBONGAN PERTAMA KONTINJEN NEGARA BRUNEI DARUSSALAM

Jumaat, 22 November 2019 (Lapangan Terbang Antarabangsa Brunei)

- ❖ Hadir : Yang Berhormat Dato Menteri Kebudayaan, Belia dan Sukan.
- ❖ Keterangan : Seramai 52 orang anggota Kontinjen Negara Brunei Darussalam terdiri daripada 16 orang pegawai dan atlet sukan bola jaring, 26 orang pegawai dan atlet sukan bola sepak dan 10 orang pegawai termasuk *Chef de Mission, Assistant Chef de Mission, Ketua Urusetia, Pegawai Urusetia, Pegawai Perhubungan, Doktor dan Fisioterapi* telah berlepas ke Filipina bagi menyertai kejohanan Sukan SEA tersebut.



21(c). UPACARA SELAMAT BELAYAR BAGI ROMBONGAN KEDUA KONTINJEN NEGARA BRUNEI DARUSSALAM

Khamis, 28 November 2019 (Lapangan Terbang Antarabangsa Brunei)

- ❖ Hadir : Yang Mulia Kolonel (B) Pengiran Haji Maiddin bin Pengiran Haji Said, Timbalan Setiausaha Tetap (Kebeliaan dan Kesukanan) Kementerian Kebudayaan, Belia dan Sukan.
- ❖ Keterangan : Seramai 33 orang ahli Kontinjen Negara Brunei Darussalam yang terdiri daripada 8 orang pegawai dan atlet sukan wushu, 13 orang pegawai dan atlet sukan boling padang, 4 orang pegawai dan atlet sukan pencak silat dan 8 orang pegawai termasuk Pegawai Urusetia, Pegawai Perhubungan dan Fisioterapi telah bertolak ke Filipina bagi menyertai kejohanan Sukan SEA Ke-30 tersebut.



21(d). UPACARA SELAMAT BELAYAR BAGI ROMBONGAN KETIGA KONTINJEN NEGARA BRUNEI DARUSSALAM

Jumaat, 29 November 2019 (Lapangan Terbang Antarabangsa Brunei)

- ⊕ Hadir : Yang Mulia Pengiran Mohammad Amirrizal bin Pengiran Haji Mahmud, Setiausaha Tetap (Pentadbiran, Kewangan dan Estet) Kementerian Kebudayaan, Belia dan Sukan.
- ⊕ Keterangan : Kontinjen Negara Brunei Darussalam yang terdiri daripada 10 orang pegawai dan atlet sukan tenpin bowling, 2 orang pegawai dan atlet sukan olahraga dan seorang fisioterapi telah berlepas ke Filipina bagi menyertai Sukan Asia Tenggara Ke-30 tersebut.



21(e). UPACARA SELAMAT BELAYAR BAGI ROMBONGAN KEEMPAT KONTINJEN NEGARA BRUNEI DARUSSALAM

Ahad, 1 Disember 2019 (Lapangan Terbang Antarabangsa Brunei)

- ⊕ Hadir : Yang Mulia Dayang Zainab binti Haji Morshidi, Pemangku Pengarah Pembangunan Belia dan Sukan, Kementerian Kebudayaan, Belia dan Sukan.
- ⊕ Keterangan : Kontinjen Negara Brunei Darussalam seramai 16 orang terdiri daripada 3 orang pegawai dan atlet sukan lawan pedang, 3 orang pegawai dan atlet sukan billiard, 4 orang pegawai dan atlet sukan akuatik, 5 orang pegawai dan atlet sukan golf serta seorang pegawai perhubungan telah berlepas ke Filipina bagi menyertai kejohanan Sukan Asia Tenggara tersebut.



21(f). UPACARA SELAMAT BELAYAR BAGI ROMBONGAN TERAKHIR KONTINJEN NEGARA BRUNEI DARUSSALAM

Rabu, 4 Disember 2019 (Lapangan Terbang Antarabangsa Brunei)

- ⊕ Hadir : Yang Mulia Dayang Zainab binti Haji Morshidi, Pemangku Pengarah Pembangunan Belia dan Sukan, Kementerian Kebudayaan, Belia dan Sukan.
- ⊕ Keterangan : Kumpulan terakhir kontinjen Negara Brunei Darussalam dianggotai seramai 12 orang terdiri daripada 3 orang pegawai dan atlet sukan Taekwando dan 9 orang pegawai dan atlet sukan Karatedo telah berlepas ke Filipina bagi menyertai kejohanan Sukan Asia Tenggara Kali Ke-30.



21(g). MAJLIS MENYAMBUT KEPULANGAN PEGAWAI DAN ATLET SUKAN BOLA JARING

Rabu, 4 Disember 2019 (Lapangan Terbang Antarabangsa Brunei)

- ⊕ Hadir : Yang Berhormat Dato Menteri Kebudayaan, Belia dan Sukan.
- ⊕ Keterangan : Seramai 16 ahli Kontinjen Negara Brunei Darussalam terdiri daripada pegawai dan atlet sukan bola jaring telah pulang ke tanah air selepas bertanding di Sukan Asia Tenggara Ke-30, Filipina 2019.

Pasukan bola jaring negara telah berjaya meraih pingat gangsa selepas tewas di peringkat separuh akhir menentang pasukan Malaysia dengan jaringan 40-64 dan muncul sebagai pemenang pingat gangsa bersama pasukan Thailand yang juga tewas kepada Pasukan Singapura.



21(h). MAJLIS MENYAMBUT KEPULANGAN PEGAWAI DAN ATLET SUKAN BOLING PADANG DAN PENCAK SILAT

Khamis, 5 Disember 2019 (Lapangan Terbang Antarabangsa Brunei)

■ Hadir : Yang Berhormat Dato Menteri Kebudayaan, Belia dan Sukan.

■ Keterangan : Rombongan kedua Kontinjen Negara Brunei Darussalam terdiri daripada 13 orang pegawai dan atlet sukan boling padang dan 4 orang pegawai dan atlet sukan pencak silat telah kembali ke Negara Brunei Darussalam selepas berada di Filipina bagi menyertai Sukan SEA Ke-30.

Pasukan boling padang negara telah berjaya meraih 2 pingat perak bagi acara *Women's Pairs* dan *Men's Fours* melalui Esmawandy binti Brahim dan Hajah Amaliah binti Haji Metali serta Bahren bin Abdul Rahman, Mohd Hazmi bin Haji Idris, Haji Osman bin Haji Yahya dan Haji Amlie bin Haji Gafar.

Manakala pasukan pencak silat pula telah membawa pulang pingat perak bagi acara Seni Tunggal Wanita melalui Anisah Najihah binti Abdullah dengan kutipan mata sebanyak 451.



21(i). MAJLIS MENYAMBUT KEPULANGAN KONTINJEN NEGARA BRUNEI DARUSSALAM

Khamis, 12 Disember 2019 (Lapangan Terbang Antarabangsa Brunei)

- | | | |
|--|---|---|
|  Hadir | : | Yang Berhormat Dato Menteri Kebudayaan, Belia dan Sukan. |
|  Keterangan | : | Kontinjen Negara Brunei Darussalam yang terdiri daripada para pegawai dan atlet sukan Wushu, Karatedo, Polo dan Billiard termasuk <i>Chef de Mission</i> , <i>Assistant Chef de Mission</i> , Urusetia serta Pegawai dan Kakitangan Perubatan telah kembali ke Negara Brunei Darussalam selepas berada di Filipina. |

Atlet sukan wushu negara telah berjaya membawa pulang 1 pingat emas, 3 pingat perak dan 2 pingat gangsa melalui Mohammad Adi Salihin bin Roslan bagi acara *Men's Nandao + Men's NanGun*; Majdurano Joel bin Majallah Sain dan Mohammad Safiee Shayferan bin Roslan dalam acara *Men's Duilian*; Basma binti Lachkar bagi acara *Women's TaijiQuan* dan *Women's Taijijian*; dan Hosea Wong Zheng Yu dalam acara *Men's TaijiQuan* dan *Men's Taijijian*.

Pasukan polo negara telah berjaya meraih pingat emas melalui Duli Yang Teramat Mulia Paduka Seri Pengiran Digadong Sahibul Mal Pengiran Muda Haji Jefri Bolkiah ibni Al-Marhum Sultan Haji Omar 'Ali Saifuddien Sa'adul Khairi Waddien, Idris bin Awang Sirat, Huzaimi bin Haji Mahari, Muhamad Farid bin Abdullah, 414 Kolonel Haji Awang Mohd Huzaimi bin Pehin Datu Harimau Padang Mejar Jeneral (B) Dato Paduka Seri Haji Husin, Yang Amat Mulia Pengiran Muda Abdul Qawi ibni Duli Yang Teramat Mulia Paduka Seri Pengiran Perdana Wazir Sahibul Himmah Wal-Waqar Pengiran Muda Mohamed Bolkiah; dan Ketua Inspektor Pengiran Mohd Khairul Alimin bin Pengiran Haji Mohamad dalam acara *B Division: 0 to 2 Goals*.

Manakala pingat gangsa pula melalui Duli Yang Teramat Mulia Paduka Seri Pengiran Muda 'Abdul Mateen ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Yang Teramat Mulia Paduka Seri Pengiran Anak Puteri 'Azemah Ni'matul Bolkiah binti Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Yang Amat Mulia Pengiran Muda Bahar ibni Duli Yang Teramat Mulia Paduka Seri Pengiran Digadong Sahibul Mal Pengiran Muda Haji Jefri Bolkiah, Huzaimi bin Haji Mahari; Muhamad Farid bin Abdullah, 414 Kolonel Haji Awang Mohd Huzaimi bin Pehin Datu Harimau Padang Mejar Jeneral (B) Dato Paduka Seri Haji Husin dan Yang Mulia Awang Haji Abdul Azeez bin Pehin Orang Kaya Lela Pahlawan Mejar Jeneral (B) Dato Paduka Seri Haji Mohd Jaafar bagi acara *Division A: 4-6 Goals*.

Atlet sukan karatedo negara juga telah membawa pulang pingat gangsa bagi acara *Men's Kumite -67kg* melalui Muhd Sofizan bin Mohd Sofian.

Jumlah kutipan pingat bagi Kontinjen Negara Brunei Darussalam ke Sukan SEA Ke-30 edisi tahun 2019 adalah sebanyak 2 pingat emas, 5 pingat perak dan 6 pingat gangsa yang membawa jumlah keseluruhan sebanyak 13 pingat.



22. MUSABAQAH TILAWATIL QURAN BELIA ASIA TENGGARA KE-9, 1441/2019

Dewan Plenari, Pusat Persidangan Antarabangsa, Berakas

 **Selasa, 3 Disember 2019 (Malam Pertama)**

Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah ibni Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah, Menteri Kanan di Jabatan Perdana Menteri berkenan berangkat ke Majlis Musabaqah Tilawatil Quran Belia Asia Tenggara Ke-9, 1441/2019.

Berangkat sama ialah Duli Yang Teramat Mulia Paduka Seri Pengiran Muda 'Abdul Malik.

- ◆ Keterangan/Aturcara : Negara Brunei Darussalam selaku Tuan Rumah telah menganjurkan Musabaqah Tilawatil Quran Belia Asia Tenggara Ke-9, 1441/2019 selama tiga malam berturut-turut mulai 3, 4 dan 5 Disember 2019 bertempat di Dewan Plenari, Pusat Persidangan Antarabangsa, Berakas.

Musabaqah Tilawatil Quran Belia Asia Tenggara yang merupakan anjuran Kerajaan Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam yang diadakan setiap dua tahun sekali dengan menjemput penyertaan belia-belia Islam yang berumur 15 hingga 30 tahun daripada negara-negara Rantau Asia Tenggara iaitu Kemboja, Republik Indonesia, Republik Demokratik Rakyat Lao, Malaysia, Republik Kesatuan Myanmar, Republik Filipina, Republik Singapura, Republik Sosialis Rakyat Vietnam, Kerajaan Thailand dan Negara Brunei Darussalam. Turut dijemput ialah penyertaan daripada Republik Demokratik Timor Leste.

Musabaqah Tilawatil Quran Belia Asia Tenggara tahun ini merupakan edisi ke-9 sejak pertama kali ianya diadakan pada tahun 2000, kali kedua pada tahun 2003, ketiga pada tahun 2005, keempat pada tahun 2007, kelima pada tahun 2011, keenam pada tahun 2013, kali ketujuh pada tahun 2015 dan kelapan pada tahun 2017.

Pada majlis tersebut, Duli Yang Teramat Mulia berkenan mengurniakan sabda Musabaqah Tilawatil Quran Belia Asia Tenggara Ke-9, 1441/2019.

Aturcara majlis diikuti dengan sembah alu-aluan oleh Yang Berhormat Mejar Jeneral (B) Dato Paduka Seri Haji Aminuddin Ihsan bin Pehin Orang Kaya Saiful Mulok Dato Seri Paduka Haji Abidin, Menteri Kebudayaan, Belia dan Sukan selaku Pengurus Bersama Jawatankuasa Tertinggi Musabaqah Tilawatil Quran Belia Asia Tenggara Ke-9, 1441/2019.

Seramai enam peserta telah memperdengarkan bacaan mereka pada malam pertama.

Musabaqah Tilawatil Quran Belia Asia Tenggara Ke-9, 1441/2019 ditangguhkan ke malam kedua.

- ◆ Penyertaan : Semua negara ASEAN menyertai edisi musabaqah kali ini di mana seramai 22 peserta qari dan qariah memperdengarkan bacaan masing-masing.



❖ Rabu, 4 Disember 2019 (Malam Kedua)

- ◆ Hadir : Menteri-Menteri Kabinet dan Pembesar-Pembesar Negara.
 - ◆ Keterangan/Aturcara : Musabaqah Tilawatil Quran Belia Asia Tenggara Ke-9, 1441/2019 disambung bagi malam kedua.
- Seramai 16 peserta qari dan qariah telah memperdengarkan bacaan mereka pada malam kedua.

Majlis malam kedua musabaqah telah menyaksikan persembahan tausyeh daripada Kumpulan Al-Jauhar, Belia Masjid Kampung Lambak.

Musabaqah Tilawatil Quran Belia Asia Tenggara Ke-9, 1441/2019 ditangguhkan ke malam ketiga.



Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam berkenan berangkat ke Majlis Pengurniaan Hadiah Musabaqah Tilawatil Quran Belia Asia Tenggara Ke-9, 1441/2019.

Berangkat sama ialah Duli Yang Teramat Mulia Paduka Seri Pengiran Muda Mahkota Pengiran Muda Haji Al-Muhtadee Billah, Menteri Kanan di Jabatan Perdana Menteri; dan Duli Yang Teramat Mulia Paduka Seri Pengiran Muda 'Abdul Malik.

- ◆ Keterangan/Aturcara : Majlis malam ketiga musabaqah dimulakan dengan sembah alu-aluan oleh Yang Berhormat Dato Menteri Kebudayaan, Belia dan Sukan selaku Pengerusi Bersama Jawatankuasa Tertinggi Musabaqah Tilawatil Quran Belia Asia Tenggara Ke-9, 1441/2019.

Majlis seterusnya diikuti dengan Titah Kebawah Duli Yang Maha Mulia Paduka Seri Baginda Sultan Haji Hassanal Bolkiah Mu'izzaddin Waddaulah ibni Al-Marhum Sultan Haji Omar 'Ali Saifuddien Sa'adul Khairi Waddien, Sultan dan Yang Di-Pertuan Negara Brunei Darussalam.

Acara kemuncak majlis ialah pengumuman keputusan Musabaqah Tilawatil Quran Belia Asia Tenggara Ke-9, 1441/2019 oleh Yang Mulia Awang Haji Abdul Rajid bin Haji Mohd Salleh selaku Pengerusi Jemaah Hakim.

Klip video pembacaan Al-Quran daripada qari dan qariah pada malam pertama dan kedua juga ditayangkan di majlis tersebut.

Dengan mengutip markah 89.49 peratus, johan qari dimenangi oleh Kamaruddin G. Zaidon dari Republik Filipina. Johan membawa pulang piala pusingan kurnia Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, hadiah irangan, sijil penyertaan dan wang tunai BND5,000.

Manakala tempat kedua dimenangi oleh Hadi bin Mohd Sharkawi dari Malaysia mengutip markah 87.86 peratus membawa pulang wang tunai BND4000.00, sijil penyertaan dan hadiah irangan dan tempat ketiga dimenangi oleh peserta Negara Brunei Darussalam, Abdull Mu'in bin Haji Abd Hamid membawa pulang wang tunai BND3000, hadiah irangan dan sijil penyertaan.

Sementara itu, johan qariah diraih oleh Negara Brunei Darussalam, Dayangku Siti Ummi Syazana binti Pengiran Haji Marjuki memperoleh markah 91.57 peratus membawa pulang piala pusingan kurnia Kebawah Duli Yang Maha Mulia Paduka Seri Baginda Sultan dan Yang Di-Pertuan Negara Brunei Darussalam, hadiah irangan, sijil penyertaan dan wang tunai BND5,000.

Manakala tempat kedua dimenangi oleh qariah dari Republik Singapura, A'tiiqah binti Suhaimi dengan memperoleh markah 90 peratus membawa pulang wang tunai BND4000, sijil penyertaan dan hadiah irangan dan tempat ketiga dimenangi oleh Nurul Husna binti Sharif dari Malaysia membawa pulang wang tunai BND3000, hadiah irangan dan sijil penyertaan.





23. PROGRAM WIRA FAJAR SEMBANYANG FARDHU SUBUH BERJEMAAH DI MASJID BAGI TAHUN 1441H/2019M


Jumaat, 13 Disember 2019 (Masjid Rashidah Sa'adatul Bolkiah, Kampong Sungai Akar)

▣ Hadir : Yang Berhormat Dato Menteri Kebudayaan, Belia dan Sukan.

▣ Keterangan : Edisi Wira Fajar Sembanyang Fardhu Subuh Berjemaah Di Masjid kali ini merupakan penganjuran kali kelima.

▣ Aturcara : Program dimulakan dengan Sembanyang Fardhu Subuh Berjemaah diimamkan oleh Yang Mulia Awang Haji Syamsul Nizam bin Haji Badar, Imam Masjid Rashidah Sa'adatul Bolkiah, diikuti dengan Ceramah dan Tazkirah Subuh bertajuk "Menggapai Khusnul Khotimah" oleh Yang Mulia Ustaz Nazirul Mubin bin Ahad, Pensyarah Kolej Universiti Perguruan Ugama Seri Begawan dan diselajurkan dengan bacaan Surah Al-Kahfi dipimpin oleh Yang Mulia Awang Haji Syamsul Nizam bin Haji Badar, Imam Masjid Rashidah Sa'adatul Bolkiah dan Sembanyang Dhuha.

▣ Penyertaan : Majlis disertai seramai lebih 400 orang terdiri daripada Ahli-Ahli Jawatankuasa Takmir Masjid Rashidah Sa'adatul Bolkiah; Pegawai-Pegawai Kerajaan; Persatuan-Persatuan Belia; Belia-Belia Masjid; belia-belia dari sektor kerajaan dan swasta; serta penduduk sekitar Kampong Sungai Akar.



24. MAJLIS PELANCARAN KEMPEN DAY OF ACTION 2019

Ahad, 15 Disember 2019 (Padang Kawad, Perkampungan Sukan, Berakas)

- Hadir : Yang Berhormat Dato Menteri Kebudayaan, Belia dan Sukan.
- Keterangan : Bagi menyokong Sambutan Hari Sukarelawan Antarabangsa 2019 Negara Brunei Darussalam tidak ketinggalan dalam melaksanakan aktiviti-aktiviti sukarelawan dalam Hari Bertindak (Day of Action) 2019 yang berlangsung secara serentak di keempat-empat daerah. Beberapa aktiviti telah diadakan bermula 1 Disember 2019.
- Pelaksanaan aktiviti-aktiviti tersebut melibatkan agensi-agensi kerajaan, syarikat-syarikat swasta, badan-badan bukan kerajaan, majlis-majlis perundingan mukim dan kampung, kelab-kelab dan pergerakan-pergerakan belia di seluruh negara. Ini sesuai dengan tema pada tahun ini iaitu menumpukan penglibatan bersama di dalam melaksanakan kerja-kerja sukarela.
- Dengan adanya aktiviti sebegini akan dapat menyatupadukan masyarakat amnya dan komuniti dan pergerakan-pergerakan bagi menggerakkan dan menjalankan kegiatan yang bermanfaat untuk membantu masyarakat yang memerlukan bantuan.
- Aktiviti : Kempen Day of Action 2019 telah berjaya menghimpunkan beberapa aktiviti yang berbentuk kerja-kerja amal seperti mengumpulkan barang-barang keperluan masjid dan telekung, mengumpulkan barang peralatan persekolahan yang didermakan oleh orang ramai, mengumpulkan barang-barang peralatan bantu untuk golongan orang-orang kelainan upaya, membuat kerja-kerja kebersihan di kampung-kampung, pantai-pantai dan kawasan-kawasan yang memerlukan pembersihan. Di samping itu, aktiviti yang berbentuk bantuan kepada keluarga-keluarga yang memerlukan turut di adakan di keempat-keempat daerah.
- Penyertaan : Sebanyak 50 organisasi telah terlibat di dalam melaksanakan aktiviti-aktiviti sukarelawan dengan melibatkan lebih daripada 1000 orang sukarelawan turut serta dalam Hari Bertindak (Day of Action) 2019 yang berlangsung secara serentak di keempat-empat daerah.

